

四庫全書

史部

欽定四庫全書

大事記續編卷六十

明 王禕 撰

唐代宗皇帝廣德元年春正月癸未劉晏為吏部尚書

同平章事

以新舊  
紀修

壬寅流朱瑱於播州尋殺之

以呂祖  
謙標目

修史朝義奔幽州其將田承嗣以莫州李懷仙以范陽

降朝義自殺閏月以薛嵩為相衛節度使懷仙為盧龍

節度使承嗣為魏博都防禦使僕固懷恩恐賊平寵衰

故留嵩等以為黨援朝廷因而授之

以呂祖謙  
標目修

解題曰按新史潘鎮傳承嗣降於僕固瑒厚以金帛反間瑒將士瑒慮下生變即約降承嗣詐疾不出瑒欲馳入取之承嗣列千刀為備瑒不得志餘見通鑑河洛春秋承嗣欲於城中宴會瑒謂諸將曰承嗣假為屈伏其實未降若不潛圖之必慮他時為寇瑒聞為將必先伐謀若欲相會此其時也乃與諸道節度俱入其城令諸軍進入承嗣令每門排列刀手一千人為備其器械悉不得入瑒計不行承嗣義不服從而賂遺甚厚瑒亦留馬四百匹以酬之

相衛節度使見乾元二年汴滑解題又按方鎮表置魏博防禦領魏博貝瀛滄治魏州是年升節度使增

領德貝隸洛相大厯增領澶州十年瀛隸盧龍滄隸  
義武德隸淄青平盧十一年領衛相洛貝貞元置橫  
海節度領滄景大和元年增領齊州三年更號齊滄  
德節度四年省景州五年賜號義昌軍天祐魏博號  
天雄軍藩鎮傳序曰安史亂天下至肅宗大難略平  
君臣皆幸安故瓜分河北付授叛將護養孽萌以成  
禍根亂人乘之遂擅署吏以賦稅自私不朝獻於廷  
效戰國肱髀相依以土地傳之子孫脅百姓加錮其



頸利昧逆汗遂使其人自視猶羗狄然一寇死一賊  
生訖唐亡百餘年卒不為王土當其盛時蔡附齊連  
內裂河南地為合從以抗天子杜牧至以山東王不  
得不王霸不得不霸賊得之故天下不安又曰厥今  
干戈朽鐵鉞鈍含引混貸煦育逆孽殆為故常而執  
事大人曾不歷筭周思以為宿謀方且鬼岸抑揚自  
以為廣大繁昌莫已若也嗚呼其不知乎其俟蹇碩  
顛傾而後為之支計乎且天下幾里列郡幾所自河

以北蟠城數百角奔為寇伺吾人顛顛天時不利則  
將與其朋伍駭亂吾民於掌股之上今者及吾之壯  
不圖擒取乃偷處恬逸以為後世子孫背脅疽根此  
復何也議者曰倔彊之徒吾以良將勁兵為衞策高  
位美爵充飽其腹安而不撓外而不拘猶豢虎狼而  
不拂其心則怨氣不萌此大厯貞元所以守邦也何  
必疾戰焚煎吾民然後為快也愚曰大厯貞元之間  
有城數十千百卒夫則朝廷貸以法故於是濶視大

言自植一家破制削法角為尊奢天子不問有司不  
呵王侯通爵越錄受之覲聘不來几杖扶之逆息虜  
嗣皇子嬪之地益廣兵益彊僭擬益甚侈心益昌土  
田名器分劃大盡而賊夫貪心未及畔岸淫名越號  
走兵四略以飽其志趙魏燕齊同日而起梁蔡吳蜀  
躋而和之其餘混頌軒輶欲相效者往往而是運遭  
孝武前英後傑夕思朝議故能大者誅鉏小者惠來  
大抵生人油然多欲欲而不得則怒怒則爭亂隨之

是以教咎於家刑罰於國征伐於天下裁其欲而塞  
其爭也大厯貞元之間反此提區區之有而塞無涯  
之爭是以首尾指支幾不能相運掉也凡今者不知  
非此而反用以為經將見為盜者非止於河北而已  
嗚呼大厯貞元守邦之術永戒之哉餘見通鑑范祖禹曰  
僕固懷恩既平河北而除惡不絕其本復留賊黨以邀後功亦由任蕃夷為制將故也唐失河北實自此始使郭李為將其肯遺國患乎

三月山南東道兵馬使梁崇義據襄州甲辰以為留後

以新紀

通鑑修

解題曰晁補之曰代宗時連遭大喪寇亦未殄崇義之罪不惟不暇討遂因以節與之姑息之政始於此矣按劉裕平原口向建康以孟昶為長史總攝後事及討司馬休之以劉道憐監留府事皆留後之任也李林甫領隴右節度副大使杜希望始知留後事見通鑑

辛酉葬泰陵廟號玄宗庚午葬喬陵廟號肅宗

以通鑑修遷

獻懿二祖於夾室

以新舊志修

夏四月庚辰李光弼奏擒袁

晁

通鑑

六月癸酉禮部侍郎楊綰請罷明經進士察孝廉

以通鑑修

解題曰胡寅曰綰初議請縣令察孝廉取行著鄉閭

學知經術薦之於州刺史考試升之於省是猶彷彿

鄉舉里選之意及上貢舉條目則徒有問經對策之

目而無縣察州升之文或者猶沮止之建議之難如

此事見通鑑

汪應辰曰賈至傳則綰請舉孝廉李栖筠傳則綰請置五經秀才科至傳則多

是綰言至議以為自晉後衣冠遷徙所在占籍今鄉舉取人未盡請廣學校增國子博士員大縣得置大學館名置生徒保桑梓者鄉里舉焉在流寓者庠序推焉議者更附至議栖筠傳則栖筠賈至李廙以綰言為是蓋至與栖筠議者乃孝廉綰雖嘗請置五經秀才非此所議鄭寅曰宋白續通典三載此事蓋隨他書本文互有不同今參合事實綰請罷明經進士道舉而察孝廉其他科目猶在詔左右丞諸司侍郎御史大夫給舍同議給事中李廙李栖筠左丞賈至御史大夫嚴武上議而實至之文然議者不應僅四人蓋更附至議者此三人耳舊史至傳云議者然之謂更附至議豈廙等各上異耶是時敕旨歲察孝廉其明經進士道舉並停所司作條件處分宰臣等奏今歲且許依舊綰逐條上孝廉之外又有秀才孝悌力田則因舊科而節文之其云衣冠多去故鄉所在州縣且舉所諳知則用至之說也其云今年願依舊

業者聽則用宰臣之說也代宗問翰林學士或以明經進士不可頻改乃詔無行

庚寅以田承嗣為節度使

以通鑑修

秋七月壬寅上尊號壬

子改元

以新舊紀修

冊回紇可汗

以通鑑修

吐蕃盡取河西隴右

之地

以呂祖謙標目修

解題曰新史地理志唐地東西九千五百一十一里

南北一萬六千九百一十八里天寶盜起中國用兵

而河西隴右不守陷於吐蕃至大中咸通始復隴右

乾符以後天下大亂至於唐亡然舉唐之盛時開元



天寶之際東至安東西至安西南至日南北至單于  
府蓋南北如漢之盛東不及而西過之自古為天下  
者務廣德而不務廣地德不足矣地雖廣莫能守也  
嗚呼盛極必衰雖曰勢使之然而怠忽驕滿常因盛  
大可不戒哉事見通鑑

八月僕固懷恩反於汾州九月壬戌遣裴遵慶諭之不

受命

以舊紀修

乙丑涇州刺史高暉降於吐蕃冬十月辛未

吐蕃寇武功奉天壬申以雍王适為關內兵馬元帥郭

子儀副之丙子帝幸陝州

新紀

解題曰按新舊史列傳自變生倉卒天下皆咎程元振又以郭子儀復立功不欲天子還京說帝都洛陽帝可其計子儀奏曰雍州古稱天府地方數千里帶甲十餘萬兵強士勇雄視八方秦漢因之卒成帝業故高祖先入關定天下太宗以來居洛亦鮮先帝興朔方誅慶緒陛下席西土戮朝義雖天道助順亦地勢則然比土蕃憑陵而不能抗者以六軍皆市井人

竄虛名逃實賦及驅以就戰百無一堪又官豎掩迷  
庶政荒奪遂令陛下徬徨暴露斯委任失人豈秦地  
非良哉今道路流言咸謂且都洛陽洛陽自大盜以  
來焚埃略盡百曹榛荒畿內不滿千戶人烟斷絕千  
里蕭條何以奉萬乘牲餼供百官次舍哉陛下意者  
不以京畿新罹剽蹂國用不足乎昔衛為狄滅文公  
廬於曹衣大布之衣大帛之冠卒復舊邦况赫赫天  
子躬儉節用寧為一諸侯下哉願斥素餐去冗食掩

閻寺任直臣薄征弛役卹隱撫鰥委宰相以簡賢任  
能付臣以訓兵禦侮則中興之功日月可冀惟時邁  
亟還以幸天下帝得奏泣謂左右曰子儀真社稷臣  
也可亟還京師此疏與王導說元帝不可遷都意同  
可謂係唐之安危矣通鑑不載

戊寅吐蕃入京師立廣武王承宏為帝改元癸巳吐蕃  
潰郭子儀復京師

以新紀修

十一月辛丑朔太常博士柳伉

上疏論程元振詔削元振官爵放歸田里

以呂祖謙標目修

十

二月甲午帝至自陝州

以新舊紀修

魚朝恩為天下觀軍容

宣慰處置使總禁兵

通鑑

乙未苗晉卿裴遵慶罷檢校禮

部尚書李峴為黃門侍郎同平章事

以新紀修

丙申放承宏

於華州

以新紀修

吐蕃陷松維保及西山諸州

以呂祖謙標目修

解題曰按通鑑陷松維保三州及雲山

奉州號雲山復改保州

新龍城

當在奉州之境新史高適傳亡松維二州及雲山城吐蕃傳乃云南入松維保等州及雲

山新龍城節度使高適不能救於是劍南西山諸州亦入吐蕃矣按雲山即保州當以適傳為據

又

按唐茂州號西山中北路

山自劍門分東西其西行者按文龍之岡直南至黎

雅謂之  
西山

管內有松翼靜宥悉當維保霸恭十州威戎

通化兩軍後分維保霸通化為南路

唐代宗皇帝廣德二年春正月壬寅流程元振於漆州

以舊  
紀修

癸卯合劍南東西川為一道

以呂祖謙  
標目修

解題曰合劍南東西川為一道脩吐蕃也

乙卯立雍王适為皇太子

新紀

戊午郭子儀無河東副元

帥河中節度使

以新舊  
紀修

癸亥劉晏李峴罷散騎常侍王

縉為黃門侍郎太常卿杜鴻漸為兵部侍郎同平章事

以新舊紀修

二月僕固懷恩軍潰奔靈武

以呂祖謙標目修

以李光

弼為東都留守光弼歸徐州

以列傳通鑑修

解題曰張唐英曰王忠嗣曰假如明主見責豈失一

金吾羽林而歸宿衛其次豈失一黔中上佐又魚朝

恩遣人發郭子儀父墓子儀入朝中外甚憂子儀入

言臣久在軍中不禁兵士殘人墳墓多矣此臣不忠

不孝所致朝廷乃安以忠嗣子儀而觀光弼之識淺

矣事見通鑑

三月己酉以太子賓客劉晏為河南江淮轉運使

以通鑑修

夏五月癸丑初行五紀歷

以通鑑修

郭子儀請罷諸節度自

河中始六月庚辰罷其節度使

以呂祖謙標目修

解題曰胡寅曰子儀忠謀為國反見黜削不明之君

胡可與言哉是時河南諸鎮兵罷之易爾若河北不

受命子儀必有以處之代宗一切不問而獨罷河中

此乃魚朝恩計也朝恩屯兵守渭橋鄠縣若朝廷從

子儀所請則渭橋鄠縣之兵必還禁旅不得外屯矣



故為是謂可以抑子儀不知於子儀無損而國計則

大謬矣

續通典元載王縉請以河中府為中都魚朝恩既誅建議曰中都隸陝號晉絳汾潞儀石

慈隰等十城長安去中都三百里臨流而東有羊腸底柱之險濁河孟門之限以輟輳為襟帶與關中為表裏初幸陝之後每歲八九月京師恟恟載知人情不安真因制置竊有兵權代宗探見載意不行舊紀載大旨以十州戶稅入奉京師置精兵五萬以威四方辭多裨闔疏入不報事見通鑑

敕僕固懷恩以為太保中書令不受命

以通鑑修

秋七月庚

子初稅青苗給百官俸

以新紀通鑑修

解題曰按新史食貨志大厯元年詔天下苗一畝稅

錢十五市輕貨給百官手力課以國用急不及秋方苗青即征之又在地頭錢每畝二十通名爲青苗錢畝加一倍而地頭錢不在焉

己酉臨淮武穆王李光弼薨

新舊紀傳

解題曰張耒曰光弼提孤軍與安史健虜百鬪百勝其治軍行兵風采出子儀之右而當時諸將皆望風伏子儀如敬君父而光弼之任彭城諸將已不爲之使子儀能使吐蕃謂父而史思明乃請誅光弼大抵

光弼之實不及子儀之名子儀安坐而有餘光弼馳騁而不足嘗思其故子儀之為人至誠不欺其胸中洞然大人也故靜則人安其德動則人伏其義光弼用烏豕恩使襲史思明此雖狡夫猾虜之常態意其人雄悍慄勇而中有不可保信者市井之智盜賊之謀有時而用也不然何以召思明之侮而田承嗣之膝獨為子儀屈歟事見通鑑

溫庭筠乾牋子光弼問穆寧進退之計寧曰以

某短見有四第一范蠡五湖留侯赤松也第二曹公挾漢室令諸侯是也第三田橫海島壯夫也第四屬

鏤寔董也公歎曰策之末者是僕上策由是自  
時理軍中及條疏身後事一旦帳中飲酖而薨

八月丙寅王縉都統河南淮南山南東道節度行營僕

固懷恩引回紇吐蕃入寇郭子儀屯奉天

以通鑑修

九月劍

南節度使嚴武破吐蕃當狗城

以新舊紀修

冬十月僕固懷

恩等逼奉天尋自潰

以新紀修

冬十二月乙丑衆星隕

新紀是

歲吐蕃陷涼州

呂祖謙標目

戶二百九十餘萬口一千六百

九十餘萬

以呂祖謙標目修

唐代宗皇帝永泰元年春正月癸巳朔改元

以新紀修

解題曰宋庠紀年通譜永泰本齊明帝年號

三月庚戌吐蕃請和

新紀

夏五月平廬兵馬使李懷玉逐

侯希逸秋七月壬辰以懷玉為留後賜名正己時李寶

臣田承嗣薛嵩李懷仙自署將吏不供貢賦交結梁崇

義及正己朝廷姑息不能復制

以呂祖謙標目修

八月庚辰王縉

為河南副元帥

新紀

九月庚寅朔置高座講仁正經

以朱熹綱

目修僕固懷恩與吐蕃雜虜入寇

新舊紀

解題曰葉遼曰獨孤及言滅江淮山南諸道兵以贍

國用謂今天下惟朔方關西有吐蕃僕固之虞邠匡  
鳳翔之兵足以當之自此東泊海南至番禺西盡巴  
蜀無鼠竊之盜而兵不為解傾天下之貨竭天下之  
穀以給不用之軍為無端之費自可以糧儲靡屨之  
資充疲人貢賦歲可以減國租半陛下遲疑於改作  
率土之患日甚一日此正肅代之間無故變天下皆  
為兵之實錄也事見通鑑

丁酉僕固懷恩死冬十月吐蕃退至邠州復與回紇入

寇郭子儀挺身見回紇使擊吐蕃癸酉子儀大破吐蕃

於靈臺西原

以新舊紀朱熹綱目修

閏十月辛卯朔方副將李懷

光克靈州

以新紀修

辛亥劍南西山兵馬使崔寧殺其節度

使郭英乂

以新舊紀修

解題曰寧本崔旰後賜名寧唐末賜姓名猥多假子

名氏尤為淆亂今皆歸一其賜姓名無關於大體者

不載事見通鑑

十二月戊戌流華原令顧繇於綿州

以通鑑列傳修

唐代宗皇帝大歷元年春正月乙酉復補國子學生

通以

鑑修

丙戌戶部尚書劉晏為都畿河南等道轉運常平鹽

鐵鑄錢使侍郎第五琦為京畿關內等道轉運等使分

理財賦

以舊紀通鑑修

解題曰按方鎮表至德元載置東畿觀察使領懷鄭

汝陝乾元元年陝隸陝號華汝隸豫許汝二年置陝

號華節度使上元元年改為陝西節度尋置觀察都

防禦使二年罷領華廣德元年懷隸昭義增領號二



年罷大厯復置領汝州建中二年置河陽三城節度  
以東畿觀察使兼之領懷鄭汝陝尋置使增領衛州  
亦曰懷衛節度四年罷觀察置東畿汝州節度貞元  
元年廢置都防禦使增領唐鄧置陝虢都防禦觀察  
陸運使罷河陽節度置都團練使二年升東都畿汝  
州防禦使為都防禦觀察使三年唐鄧隸山南東道  
五年罷觀察使置都防禦使汝州別置防禦使十二  
年復置河陽懷節度治河陽元和三年罷東都畿汝

州都防禦使九年河陽節度增領汝十三年汝隸東  
畿復置東畿汝州都防禦使罷河陽節度大和三年  
罷陝虢都防禦使開成元年復置都防禦使觀察使  
會昌三年復置河陽節度四年增領澤州中和升陝  
虢防禦觀察使為節度光啓置東畿觀察無防遏使  
三年升為佑國軍節度龍紀賜陝虢節度為保義軍  
節度乾寧汝隸忠武光化復置東畿觀察使無防遏  
使罷佑國軍河陽節度罷領澤州天祐罷東畿觀察

防遏使又按方鎮表至德置京畿節度使領京兆鳳  
翔同岐金商是年金商岐隸興平鳳翔同隸商州上  
元華州置鎮國節度亦曰關東節度寶應廢京畿廣  
德罷鎮國二年置京畿觀察使建中置京畿商州節  
度興元罷京畿以同州為奉誠軍節度領同晉慈隰  
是年罷華州置潼關節度貞元九年罷乾寧元年乾  
州置威勝軍節度二年升同州為匡國軍節度光化  
元年華州置鎮國軍節度領華同三年罷天復升隴

州防禦為保勝軍節度天祐元年以京畿置佑國軍  
節度領金商三年罷匡國軍置義勝軍節度領耀鼎  
元載令百官論事先白長官宰相刑部尚書顏真卿等  
之二月乙未真卿坐貶

以呂祖謙  
標目修

士子以杜鴻漸為山

南西道劍南東西川副元帥西川節度使

新舊紀  
通鑑

解題曰按方鎮表至德置山南西道防禦守捉使乾  
元置興鳳都團練守捉使廣德升山南西道節度尋  
為觀察使領梁洋集壁文通巴興鳳利開渠蓬建中

元年升節度興元二年增領果閬光啟元年升興鳳  
防禦使置武定節度二年升興鳳感義軍節度使丈  
德感義增領利州大順武定增領階扶景福增領果  
州乾寧更感義曰昭武軍光化元年蓬壁隸武定三  
年巴州置防禦使天復二年昭武罷領利州三年置  
利州節度天祐二年山南西道罷領巴渠開升為三  
州團練觀察使三年利州增領閬陵榮果蓬通更號  
利閬節度置興文節度領興文集壁

秋八月壬寅以茂州刺史崔寧為成都尹節度行軍司

馬以新舊紀  
通鑑修

甲辰魚朝恩判國子監事

以列傳  
通鑑修

解題曰按新史宦者傳魚朝恩怙貴誕肆凡詔會羣  
臣計事折愧坐人出其上雖元載辯彊亦拱默唯禮  
部郎中相里造殿中侍御史李衍酬詰往返未始降  
屈朝恩不懌黜衍以動造又謀將易執政以震朝廷  
乃會百官都堂且言今水旱不時屯軍饋運困竭天  
子卧不安席宰相何以輔之不遠避賢路尚何賴乎

宰相俛首坐皆失色造徙坐從之因曰陰陽不和五穀踊貴皆軍容事宰相何預哉且軍帑不散故天降之沴今京師無事六軍可相維鎮又屯十萬饋糧所以不足百官無稍食軍容為之宰相行文書而已何所歸罪朝恩拂衣去曰南衙朋黨且害我餘見通鑑冬十月乙未帝生日節度使獻金帛為壽以通鑑修十一月甲子改元十二月己亥彗星出於弧辰癸卯同華節度

周智光反

以新紀修

解題曰同華節度使見元年京畿解題

唐代宗皇帝大曆二年春正月郭子儀討周智光甲子

伏誅

以新紀修

夏六月召杜鴻漸還秋七月丙寅以崔寧為

西川節度使

以呂祖謙標目修

九月吐蕃圍靈州郭子儀屯奉

天

以通鑑修

唐代宗皇帝大曆三年春二月庚子以後宮獨孤氏為

貴妃

以通鑑

三月乙巳朔日有食之

以新紀

夏四月崔寧入朝瀘

州刺史楊子琳入成都寧還鎮

以通鑑修

五月乙卯追號齊



王倓為皇帝

新紀

六月壬辰幽州兵馬使朱希彩等殺李

懷仙自為留後秋七月劍南留後崔寬克成都

以新紀修

八

月吐蕃寇靈州

新紀

王縉兼河東節度使

新紀

九月壬申郭

子儀移屯奉天

以通鑑修

冬十一月以朱希彩為幽州盧龍

節度使

以通鑑修

十二月己酉徙邠寧節度馬璘為涇原節

度使

以舊紀修

解題曰按方鎮表大厯三年置涇原節度使五年遥

領鄭穎十四年鄭隸永平貞元領四鎮北庭行軍節

度元和增領行渭州乾寧號彰義軍增領渭武

唐代宗皇帝大歷四年夏六月戊申王縉罷副元帥都

統新紀

解題曰新紀廣德二年王縉都統河南等道節度行  
營永泰元年王縉為河南副元帥通鑑載其為都統  
而為副元帥則不書至是年乃書縉表讓副元帥何  
也

郭子儀兼邠寧節度使

列傳

解題曰按方鎮表邠寧節度乾元置領邠寧慶涇原  
鄜坊丹延上元罷領鄜坊丹延大歷三年罷十四年  
復置邠寧慶節度大中五年增領武州光啟號靜難  
軍

時元載患吐蕃故徙馬璘以四鎮北庭兵鎮涇州子儀  
以朔方兵鎮邠州未幾議城原州移京西軍戍之而移  
子儀於涇不從

以列傳  
通鑑修

解題曰按凌準邠志初吐蕃既退諸侯入覲是時馬

公鎮西川四鎮兼邠寧李公軍澤潞以防秋軍盤屋  
元載使人諷諸將責已曰今中外未寧公執國柄有  
年矣安危大計一無所聞如之何載莞然曰安危係  
於大臣非獨宰相也先王作兵置之四境所以禦戎  
狄也今內地無虞朔方軍在河中澤潞軍在盤屋王  
畿之內豈假是耶必令損益須自此始郭李曰宰相  
但圖之載曰今若徙四鎮於涇朔方於邠澤潞於岐  
則三邊有脩三賢之意何如三公曰惟所指揮三月

詔馬公領涇原尋以鄭顥資之李公無領山南猶以  
澤潞資之郭公無領邠寧以河中資之朔方軍自此  
大徙於邠郭公雖統數道軍之精甲悉聚邠府其子  
第分居蒲靈通鑑考異三年立此議四年子儀遷邠  
按舊傳璘徙涇州其士衆賞自四鎮北庭赴難中原  
僑居驟移將士董之因人心動搖導以為亂段秀實  
捕殺十餘人於是遷涇州建中二年楊炎請城原州  
下涇州為具涇軍恐曰吾曹始治於邠纔置農桑地  
著之安纔立城壘又教之塞外吾何罪而實此乎劉  
大喜因人怨怒拒不奉詔命朱泚李懷光攻之別將  
劉海賓斬文喜首原州竟不能城由此  
言之此非易事也元載固慮不及此也

秋九月吐蕃寇靈州

以通鑑修

冬十一月杜鴻漸罷丙子左

僕射裴冕同平章事十二月戊戌冕薨

以新舊紀通鑑修

唐代宗皇帝大歷五年春三月癸酉魚朝恩伏誅

以呂祖謙

修標目

解題曰李德裕窮愁志元載之圖魚朝恩也以崔昭

尹神州俾昭日詣苑中以牢醴為朝恩饌因與北門

大將軍王駕鶴等結歡共籌陰計又按柳抗疏悉出

內使隸諸州持神策兵付大臣及誅朝恩赦釋其黨

與曰北軍將士皆朕爪牙並宜仍舊勿有憂懼是北軍未嘗不可收也及以范希朝為神策京西行營節度使欲收其柄而不可得矣餘見通鑑

己丑罷度支使以宰相領之亦罷諸道轉運常平鹽鐵使以舊紀夏四月庚子湖南兵馬使臧玠殺其團練使通鑑修

崔灌新紀

解題曰按方鎮表至德置衡州防禦使領衡岳潭  
郴邵永道乾元元年罷領郴二年涪隸荆南岳隸鄂

岳上元廢廣德置湖南都團練觀察處置等使領衡

潭邵永道中和升為欽化軍節度光啟改為武安以

王縉為門下侍郎同平章事

以舊傳通鑑修

彗星出於五車五月

己卯出於北方

以新紀修

冬以李泌為江西觀察判官

以宋熹綱

修目

解題曰按方鎮表乾元置洪吉都防禦團練觀察處

置使領洪吉虔撫表上元增領信州廣德更號江南

西道建中升為節度貞元元年廢置都團練觀察使



四年增領江咸通升鎮南軍節度乾符廢置江南西  
道觀察使龍紀復鎮南軍節度

唐代宗皇帝大歷六年春三月容管經略使王翊擒梁

崇牽平容州

以呂祖謙  
標目修

解題曰按方鎮表天寶置容管經略領容白禺牢繡  
黨竇廉義鬱林湯岩辦平琴十四州乾元增都防禦  
使上元升觀察使建中元年增領順藤二年省平琴  
元和辦隸嶺南岩隸桂管省湯咸通廢以所管十一

州隸邕管未幾復乾寧升寧遠軍容州之陷十七年  
矣至是始平事見通鑑

夏五月戊申殺殿中侍御史陸珽成都府司錄李少良

大理評事韋頌以新紀修秋八月丙子以浙西觀察使李栖

筠為御史大夫

以呂祖謙  
標目修

解題曰按新史列傳元載當國久益恣橫代宗不能  
堪陰引劉鯁大臣自助欲收縉權以黜載會御史大  
夫敬括卒即召栖筠與河南尹張延賞擇可為大夫

者延賞先至遂代括會李少良陸珽等上書劾載陰  
事詔御史問狀延賞稱疾不敢鞠少良珽覆得罪死  
帝殊失望出延賞為淮南節度使拜栖筠為御史大  
夫始栖筠見帝敷奏明辯不阿附帝心善之故制自  
中授中外竦然餘見通鑑

是歲以尚書右丞韓滉為戶部侍郎判度支

通鑑

唐代宗皇帝大曆七年秋幽州盧龍將殺朱希彩經略  
副使朱泚自稱留後冬十月辛未以泚為節度使

以新紀通

修鑑

唐代宗皇帝大曆八年春正月薛嵩卒其叔父萼自為

昭義留後

以通鑑修

解題曰昭義見至德二年上黨節度使解題相臺志  
薛嵩統相衛邢洺治相州號昭義軍田承嗣統貝博  
滄瀛治魏州賜軍號天雄承嗣以詐力動朝廷又建  
其軍為大都督府帥即授長史嵩死弟萼為裴志清  
所逐以衆歸承嗣於是相統於魏遷昭義軍於潞州

後又徙昭義於邢州河朔人號邢相曰東昭義潞曰西昭義餘見通鑑

二月戊申司空田承嗣進太尉

以宰相表修

秋八月己未吐

蕃寇靈州

以新紀通鑑修

朱泚遣其弟滔將兵防秋涇州

以新舊列

傳修

解題曰按新舊史列傳泚使滔將勁兵三千請率先諸軍備塞安史後山東雖外臣順實傲肆不庭泚首效欵帝嘉之持詔勒兵貫王城而出置酒開遠門餞

之通鑑謂將五千精騎今從本傳

九月壬午循州刺史哥舒晃殺嶺南節度使呂崇賁以

反以新紀修冬十月壬寅朔方兵馬使渾瑊及吐蕃戰於宜

祿敗績馬璘敗吐蕃於潘原以新紀通鑑修

解題曰宜祿邠州縣潘原涇州縣舊史吐蕃傳吐蕃

之衆自潘口東分為三道一趨隴州一趨汧陽之東

一趨釣竿原

唐代宗皇帝大歷九年春三月永樂公主許遠田承嗣

之子華

以通鑑修

夏六月癸未胡僧不空卒贈司空肅國公

以通鑑修

秋九月朱泚入朝

以列傳通鑑修

唐代宗皇帝大歷十年春正月田承嗣誘昭義兵馬使

裴志清逐薛夢承嗣陷相州

以新紀通鑑修

朱泚請留以泚知

幽州盧龍留後

以呂祖謙標目修

解題曰按新史列傳泚之來淄攝後務稍稍剪落泚

牙角泚自知失權為淄所賣不得志乃請留京師帝

因授淄節度留後分防秋兵使各有統河陽永平兵

郭子儀統之決勝軍

唐良臣賞為決勝軍節度使當改

楊猷兵

楊猷即楊

子琳也以禮朗鎮邊使擅舉兵是年以為洮州刺史隴右節度兵馬使

李抱玉主之淮

南鳳翔兵馬璘主之汴宋淄青兵

實錄有成德兵泚主之舊

本紀大歷九年四月詔諸道歲有防秋兵馬淮南四千  
人浙西三千人魏博四千人昭義二千人成德三千  
人山南東道三千人荆南二千人湖南三千人山  
南西道二千人劍南西川三千人東川二千人鄂兵  
一千五百人宣歙三千人其嶺南浙東路遠往來增  
費各委本道每年取當使諸色雜錢每人計二十貫  
據合配防秋人數計錢數市輕貨送上都以脩和糴  
今考開元十五年以吐蕃為患制令隴右道及諸軍  
團兵五萬六千人河西道及諸軍團兵四萬人又徵  
關中兵萬人集臨洮朔方兵二萬集會州防秋不過



近就西北邊調發未及他道也至貞元中李泌對德宗謂歲徵關東卒戍京西者十七萬人則又不勝其其擾矣

癸丑田承嗣陷洺州

以新紀修

乙卯崔寧大破吐蕃於西山

以新紀通鑑修

二月乙丑田承嗣陷衛州

新紀

辛未封子十二人

為王

以通鑑修

河陽軍亂逐三城使常休明

新紀

三月甲午朔

陝州軍亂逐觀察使李國清

以新紀修

夏四月貶田承嗣為

永州刺史癸未遣河東節度使薛蕪訓及諸道兵討之

五月乙未磁州降

以新紀修

六月甲戌李寶臣及田承嗣戰

於冀州敗之

以新紀修

秋九月吐蕃入寇鳳翔節度使李抱

玉及馬璘敗之

以新紀修

解題曰按方鎮表上元置興鳳隴節度建中號保義  
軍貞元領臨洮軍使元和升隴右經略使為節度復  
舊名增領靈臺良原崇信三鎮大中四年領秦州五  
年隴州置防禦使咸通秦州隸天雄軍

冬十月辛酉朔日有食之

新紀

甲子昭義留後李承昭大

破田承嗣兵於清水既而承嗣行反間李正己李寶臣

遂不用命

以通鑑修

丙寅貴妃獨孤氏薨丁卯追冊為皇后

新紀

十一月丁酉瀛州降

以新紀修

丁未嶺南節度使路嗣恭

克廣州哥舒晃伏誅

新紀

唐代宗皇帝大曆十一年春正月辛亥崔寧奏大破吐

蕃

以新紀通鑑修

二月赦田承嗣

以呂祖謙標目修

三月李栖筠卒

以新

史列傳修

解題曰按新史列傳帝比比欲召相憚載輒止然有  
進用皆密訪焉多所補助栖筠見帝依違不斷亦內

憂憤卒

夏五月汴宋都虞候李靈曜殺兵馬使孟鑒六月戊午以靈曜為留後靈曜復反秋八月詔淮南節度使李忠臣等討之冬十月田承嗣遣兵救之不克甲寅靈曜伏

誅

以新舊紀列傳修

解題曰汴宋見天寶十四載河南節度使解題按方

鎮表淮西節度至德置領義陽

申州

弋陽

光州

潁川

許州

滎

陽

鄭州

汝南

蔡州

乾元

元年

增領

陳潁

亳別

置豫

許汝

節

度二年廢陳潁亳隸陳鄭是年復置領申光壽安沔  
蘄黃上元二年增領陳鄭潁亳汴曹宋徐泗尋以亳  
隸滑衛徐隸兗鄆寶應元年增領許隋唐鄭州隸澤  
潞潁汴宋曹隸河南泗隸兗鄆申隸蔡汝永秦沔蘄  
黃隸沔鄂大歷八年廢蔡汝節度十一年增汴州十  
四年號淮寧軍尋更號申光蔡節度汝隸東都汴隸  
永平興元壽州別置觀察使貞元元年唐隸東都許隸  
義成三年安隸山南東道元和十二年復為淮西節

度十三年廢十四年號彰義軍大中置蔡州防禦使  
中和升奉國軍節度乾寧增領申州

唐代宗皇帝大歷十二年春三月辛巳元載伏誅併殺  
其妻子貶王縉枯州刺史夏四月壬午太常卿楊綰為

中書侍郎禮部侍郎常袞為門下侍郎同平章事

以新舊紀

修癸巳詔諫官獻封事勿限時

新紀

己酉詔加京官俸

解題曰按舊史本紀加京官料錢文官一千八百五  
十四員武官九百四十二員歲加給一十五萬六千

貫井舊給凡二十六萬貫餘見通鑑

罷諸州團練守捉使定諸州兵官健團結

以通鑑及呂祖謙標目修

秋七月己巳楊綰薨

以列傳通鑑修

九月庚午吐蕃寇坊州

新紀

冬十二月丁亥崔寧奏大破吐蕃

以新舊紀修

庚子朱泚無

隴右節度使

以通鑑修

唐代宗皇帝大歷十三年春正月戊辰回紇寇并州

新紀

夏四月甲辰吐蕃寇靈州

新紀

唐代宗皇帝大歷十四年春二月癸未田承嗣卒其兄

子悅自稱魏博留後三月丁未淮西將李希烈逐李忠

臣自稱留後

以新紀修

夏五月辛酉帝崩於紫宸內殿

本紀

解題曰西內宣政殿北有紫宸門內有紫宸殿

癸亥太子适即皇帝位

以新舊紀修

閏月壬申貶中書舍人

崔祐甫為河南少尹甲戌貶常袞為河南少尹以祐甫

為門下侍郎同平章事

以新舊紀修

解題曰按舊史列傳楊綰卒無中書侍郎舍人崔祐

甫領省事袞以同中書門下平章事兼綜中書祐甫



不能平累至忿競遂令祐甫分知吏選事所擬官又多駁下代宗崩袞與禮官議禮為君斬袞三年漢文權制猶三十六日太宗遺詔亦三十六日羣臣不忍既葬而除及玄宗肅宗崩始變為二十七日遺詔雖曰吏人三日釋服羣臣宜如皇帝服二十七日乃除祐甫曰遺詔朝臣庶人之別朝野中外何非天下凡百執事誰非吏職是皇帝宜二十七日而羣臣三日也袞曰公卿大臣膺受寵祿故宜異數今與黔首同

信宿而除於爾安乎祐甫曰若遺詔何詔而可改孰  
不可改意氣殊厲袞方入臨遣從吏扶立殿墀上祐  
甫持之謂衆曰臣哭君所有扶禮乎袞不勝怒乃劾  
祐甫率情變禮請貶潮州刺史德宗以為重改河南  
少尹初肅宗時天下事殷宰相更直堂事若休沐還  
第則聽直者代署以聞是時郭子儀朱泚俱以平章  
事當署勅尾而不行宰相事袞如故事代署子儀泚  
入言祐甫不宜貶帝曰卿向何所言今云非耶二人

對初不知帝以袞為欺罔是日羣臣直經序立月華

門外

六典大明宮宣政殿殿東廊日華門門東門下省西廊月華門門西中書省

即兩換

職祐甫至昭應徵還胡寅曰方喪三年短為二十七日矣而祐甫猶以為多祐甫非不忠不孝者特狃於遺詔而又通吏人於百執事則過矣自古未有以宰相為吏人者此強辯也遺詔從薄臣子從厚不亦可乎祐甫素惡常袞是故立異設若袞初為祐甫之說則祐甫拒之必如袞議蓋徒以虛氣加袞而不核義

理之真也使其說可行則既相之後可以行矣而卒從衮豈非理有難乎

罷貢獻不急者及梨園樂工

以呂祖謙標目修

甲申郭子儀為

尚父太尉中書令罷其兵

以通鑑修

解題曰按崔龜從續唐歷崔祐甫相以子儀年老久掌兵權其下偏裨皆已崇貴慮一旦子儀沒而難相統攝遂罷子儀而命李懷光常謙光渾瑊分將其兵論者伏焉事見通鑑

丙戌禁言祥瑞丁亥出宮人放禽獸

以新舊紀修

解題曰范祖禹曰德宗即位之初思致太平知天下厭代宗之政滌其煩穢決其底滯四海之內聞風震悚以為不世出之主也不數年而致大亂何哉燭理不明而所任非人求欲速之功役其獨智而不本於人情故也孟子曰其進銳者其退速其德宗之謂乎

戊子以李希烈為節度使

以通鑑修

京兆尹黎幹伏誅

以呂祖謙

標目修

吏部尚書劉晏判度支鹽鐵轉運等使六月禁置

寺觀度僧尼

以呂祖謙  
標目修

封子弟九人為王

以新  
紀修

丙午詔

六品以上清望官日二人待制

新紀

秋七月戊辰朔日有

食之

以新舊  
紀修

罷權酒

呂祖謙  
標目修

乙未以翰林學士張涉為

散騎常侍

以通鑑修

甲辰道州司馬楊炎為門下侍郎懷州

刺史喬琳為御史大夫同平章事

以新舊  
紀修

解題曰按通鑑考異曰崔祐甫與炎皆自門下遷中

書是時中書在上也憲宗以後門下在上中書在下

不知何時升改

乙巳遣使和吐蕃

以呂祖謙  
標目修

協律郎沈既濟上選舉議

以通  
鑑修

解題曰舜端拱無爲而其載在舜典言其所用之人  
惟九官而已蓋置九官於朝廷之上使之擇人以列  
於執事之中則天下舉皆賢人非必在上之人一一  
以擇之也陸贄請令臺省長官各舉其屬沈既濟欲  
使羣司長官宰臣進叙六品以下或僚佐之屬許州  
府辟用或選用非公則吏部兵部得察而舉之罪其

私冒不慎舉者此皆執要御繁之術為上者端拱無為而天下莫非賢人矣事見通鑑

冬十月丁酉朔吐蕃南詔入寇朱泚等敗之

以新紀修

己酉

葬元陵廟號代宗

以通鑑修

十一月壬午喬琳罷

新紀

十二月

乙卯立子宣王誦為皇太子

新紀

丙寅晦日有食之

新紀

以

大盈內庫財賦歸之左藏

以呂祖謙標目修

唐德宗皇帝建中元年春正月丁卯改元上尊號初定

兩稅

以新舊紀修



解題曰按新舊史志傳會要大歷四年楊炎上疏曰  
初定令事租賦庸調法自開元承平久不為版籍人  
戶寢溢隄防不禁丁口轉死非舊名矣田畝移換非  
舊額矣貧富升降非舊第矣戶部歲以空文上之舊  
制戍邊者蠲其租庸六歲免歸玄宗事夷狄戍者多  
死邊將諱不以聞故貫籍不除天寶中王鉞為戶口  
使以籍存而丁不在是隱課不出乃按舊籍除當免  
者積三十年責其租庸人苦無告至德兵起因以飢

癘百役並作人戶凋耗軍國之用仰給於度支轉運  
二使四方征鎮又自給於節度團練使賦歛之司數  
四莫相統攝朝廷不能覆諸使諸使不能覆諸州四  
方貢獻悉入內庫權臣猾吏因緣為姦重兵處皆厚  
自奉養生賦所入無幾百姓竭膏血鬻親愛輸送無  
休息富人多丁率為官為僧以色役免貧人無所入  
則丁存是以地著者百不四五今請作兩稅法凡百  
役之費一錢之歛先度其數而賦於人量入制出戶

無主客以見居為薄人無丁中以貧富為差行商者  
在郡縣稅三十之一與居者均役居人之稅秋夏兩  
入之其租庸雜徭悉省而丁額不廢田稅租大歷十  
四年墾田之數為定歲終以戶賦增失進退長吏而  
以度支統之帝喜之使諭中外議者以租庸調行數  
百年不可輕改帝不聽天下果利之舊戶三百八十  
萬五千使者按比得主戶三百八十萬客戶三十萬  
天下之民不土斷而地著不更版籍而得其虛實歲斂

二千五十餘萬緡米四百萬斛以供外錢九百五十餘萬  
斛緡米千六百餘萬斛以供京師稅法既行民力未及寬而朱  
滔王武俊田悅叛用益不給陸贄論曰國家參考歷代  
之制法制均一雖欲轉徙莫容其姦故人無揺心事  
有定制天寶季歲兆庶雲擾賦法隳於奉軍執事者  
知弊之宜革而所作無失其源知前之可從而所操  
不得其要舊患雖滅新沴復滋兵興之後供億不恒  
此時之弊非法弊也更掃庸調之成規創兩稅之新

制分命使臣搜摘郡邑劾驗簿書取大厯中科率錢穀數最多者以為定額先王之制賦入必以丁夫為本不以務穡增其稅不以輟稼減其租則播種多不以植產厚其征不以流寓免其調則地著固不以飭勵重其役不以窳怠蠲其資則功力勤如是然後能使人安其居盡其力兩稅惟以資產為宗不以丁身為本曾不寤資產之中有藏於襟懷囊篋物雖貴而人莫能窺有積於場圃囷倉直雖輕而重以為富

流通蓄息之貨數雖寡而計日取贏廬舍器用之資  
價雖高而終歲無利一槩計估筭緡宜其失平長偽  
務輕賚而樂轉徙者忻脫於徭役敦本業而樹居產  
者每困於徵求請舉其尤者摠雜徵虛數以為恒規  
計奏一定有加無除一也新法既行旋屬征討國用  
不充復以供軍每貫加徵二百二也定稅之數皆計  
緡錢納稅之時多配綾絹往納絹一匹當錢三千二  
三百今當錢一千五六百往輸其一今過於二三也

稅物送至上都度支頒給羣司例皆增長本價抑使  
剝徵四也稅法之重既無以拯之復有進奉宣索之  
繁尚在其外變徵役以名顧之目換科取以和市之  
名其為科抑特甚常徭五也大厯中非法賦歛急備  
供軍之類既併收入兩稅後又並存六也田里荒蕪  
戶口減耗牧守罕盡申聞所司莫肯矜恤七也量土  
地之沃瘠計物產之少多倫比諸州定為兩等州等  
下者每戶取錢之數少州等高者每戶取錢之數多

委觀察使更於當今所取錢數之內均融處置務盡  
事宜既免擾人且不變法又曰凡國之賦稅必量人  
之力任土之宜故賦入者惟布麻繒纈與百穀焉先  
王懼物之失平而人之交易難準又立貨泉之法節  
輕重之宜歛散馳張必由於是穀帛者人之所為也  
錢貨者官之所為也國朝著令租出穀庸出絹調出  
繒絹布麻曷常有傑人鑄錢而以錢為賦者也今兩  
稅但估資產為差便以錢穀定稅臨時折徵雜物每



歲色目頗殊惟計未得之利宜靡論供辦之難易遂或增價以置其所無減價以賣其所有一增一損耗損已多宜令所司勘會州府初納兩稅年絹布定估比類當年時價加賤減貴酌取其中總計合稅之錢折為布帛之數依庸調舊制各隨鄉土所宜某州某年定出稅布若干端定出稅絹若干疋其有絕綿雜貨亦隨所出定名勿更計錢以為稅數如此則土有常制人有常輸為薄何益乎呂祖謙曰楊炎變租庸

調但求一時之便不知古法自此變壞租庸調猶略有二代之意炎正以暴賦橫歛名色之多皆在租庸調之外故舉而均之二稅二稅之外不許誅求一錢炎能保後來之不誅求乎孟子言粟米之征租也布縷之征調也力役之征庸也自古源流如此古者或緩其二或緩其一至唐太宗則盡從而征之且如租庸調之外有暴賦橫歛正以軍興窘急及暴君汚吏為之耳使賢君出無軍興之患去之不難也安可舉

舊法掃地而壞之乎大抵治財最不可者壞舊法也  
併省名目也名目既省則後來復置之易矣此作俑  
所以至今日也

劉晏罷錢穀皆歸金倉部

以舊紀列  
傳通鑑脩

二月癸卯以涇原

節度使段秀實為司農卿癸亥朱泚無涇原節度使

以舊

紀通  
鑑脩

三月辛未張涉放歸田里

以舊  
紀脩

解題曰呂祖謙曰竇太后以魏其武安交通賓客賣  
弄權勢謂儒者不可信而甘心於黃老之言德宗以

張涉薛邕之賊敗亦謂儒者不可信惑於宦官武將之說是以噎而廢食以蹶而廢行者也事見通鑑

癸巳以諫議大夫韓洄為戶部侍郎判度支金部郎中

杜佑權江淮水陸轉運使如舊制

以呂祖謙  
標目修

解題曰按新史佑傳建中初上議曰咎繇作士今刑部尚書大理卿則二咎繇也垂作共工今工部尚書將作監則二垂也契作司徒今司徒戶部尚書則二契也伯夷為秩宗令禮部尚書禮儀使則二伯夷也

伯益為虞今虞部郎中都水使者則二伯益也伯冏  
為太僕今太僕卿駕部郎中尚輦奉御閑廐使則四  
伯冏也古天子六軍漢前後左右將軍四人今十二  
衛神策八軍將軍六十員漢置別駕隨刺史巡察猶  
今觀察使之有副也參軍者參其府軍事猶今節度判  
官也官名職務直遷易不同爾詎有事實哉神龍中  
置員外官二千人自是以為常天寶中編戶九百餘  
萬帑藏盈溢雖有浮費不足有憂今天下戶比天寶

三分之一就中浮寄又五之二安可不革且應權省  
別駕參軍司馬州縣額內官約戶置尉當罷者有行  
義在所聞不省

夏四月乙未朔四鎮北庭行軍別駕劉文喜據涇州反尋

伏誅

以新紀修

癸丑詔不受生日貢獻

以舊紀通鑑修

六月甲午崔

祐甫薨

呂祖謙標目

辛丑城奉天

以舊紀修

回紇頓莫賀殺登里

可汗自立乙卯冊為武義成功可汗

以通鑑修

秋七月殺忠

州刺史劉晏

以呂祖謙標目修

解題曰胡寅曰庚準言劉晏與朱泚書書必可驗也  
召兵拒命兵必可覈也遣公正御史往忠州鞠治如  
其不妄晏何辭焉一聞讒言乃命中使密殺之非政  
刑矣故來瑱死於前而僕固懷恩叛劉晏死於後而  
田悅李正己以為懼由殺之不以其罪也事見通鑑  
八月甲午振武留後張光晟殺回紇使者

以呂祖謙  
標目修

解題曰振武見開元九年朔方節度使解題

丁巳遷尊母沈氏為皇太后

以新紀修

冬十月左丞薛邕以

賊貶連山尉州縣始知畏

以呂祖謙  
標目修

唐德宗皇帝建中二年春正月戊辰李寶臣卒

解題曰按谷況燕南記李建中河朔記李寶臣末年  
唯納妖妄之人爭獻圖讖稱有尊位詐作朱草靈芝  
鑿石上作名字又於後堂結壇場清齋菜食置金杯  
玉尊銀盤云甘露神酒自至又言天符下降將吏罔  
有諫者牒告州縣知委妖妄者矯云不日當有天神  
持金箱玉印而至然後即大位天所授也四方不待



征討而定矣寶臣大悅多以金銀羅錦異物賞之妖  
妄者自知虛偽恐事泄見誅共言相公宜服甘露靈  
芝草湯即天神降速遂於湯中著毒藥飲畢失音三  
日而卒舊傳亦以為然通鑑考異以為方士酖殺寶  
臣身在府中安能免死雖愚必不為此蓋時人見寶  
臣曾飲其湯遇疾而死以為所酖耳然以寶臣平日  
狂妄之迹觀之盖有此理未可斷其為無此事也

寶臣子惟岳自稱成德留後與田悅李正己反命朱滔

討惟岳神策都虞候李晟河東節度使馬燧昭義節度使李抱真等討悅永平節度使李勉為汴滑等節度都

統

以新紀呂祖謙標目修

解題曰德宗之心未嘗一日不在藩鎮不勝其憤銳於遣三將以出伐而朱泚之變則終身不敢復言藩鎮文宗之心未嘗一日不在宦官不勝其忿任訓注以一決而生甘露之禍則終身不敢復言宦官永平節度使見乾元二年滑衛節度使解題餘見通鑑

二月乙巳御史大夫盧杞為門下侍郎同平章事

以新紀修

解題曰范祖禹曰君子與小人莫不引其類而聚於朝人君得一賢者而相之為之相者舉其類而進之後之進者亦舉其類而繼之是百姓被其澤數十年而未已也苟任小人其患亦然德宗既相盧杞而復引裴延齡以自助則其國可知杞相於建中之初而延齡用於正元之後是始終之以小人也故德宗之世賢人君子常阨窮而道不得行由小人彙進而不

已也事見通鑑

移京西防秋兵九萬餘人戍關東

以舊紀通鑑修

梁崇義反

以呂

祖謙標目修

五月丙寅增商稅為什一

以舊紀修

田悅攻臨洺守

將張仵破之

以新史藩鎮傳建中實錄修

六月癸巳爵李希烈南平

郡王漢南北兵馬招討使討梁崇義

以舊紀修

辛丑汾陽忠

武王郭子儀薨

以舊紀傳修

秋七月以伊西北庭節度使李元

忠為北庭大都護四鎮留後郭昕為節度使安西大都

護

以舊紀通鑑修

庚申楊炎罷前永平節度使張鑑為中書侍

郎同平章事

以新舊紀修

辛巳邠寧節度使李懷光兼朔方

節度使

以通鑑修

癸未馬燧李抱真大破田悅於臨洛李正

己卒其子納自稱平盧留後

以通鑑新紀修

梁崇義伏誅九月

李納陷宋州

新紀

李惟岳將張孝忠以易定二州降以為

成德節度使

以紀傳修

冬十月乙未楊炎貶崖州司馬尋殺

之

以呂祖謙標目修

解題曰孫甫曰楊炎懷元載私恩離劉晏而害之誅

之宜矣惜其誅之非公法也始炎譖晏附獨孤妃欲

立韓王德宗不察遽殺晏後以忠州叛罪之中外冤  
惜炎懼人言之多奏遣腹心使於四方言殺晏事本  
由君怒以解己罪德宗若下詔書述聽讒之過止炎  
之罪猶可明國常憲反擢用盧杞加炎他罪而殺之  
此豈公心哉君相逞私欲如是欲求免於亂難矣事  
見通鑑

癸卯祔於太廟獻祖復東嚮

以新史  
禮志修

戊申李納將以徐

州降

以新  
紀修

解題曰按新舊史列傳李正己反將斷江淮路令兵  
守埇橋渦口江淮進奉船泊渦下不敢過以張萬福  
為濠州刺史馳至渦口立馬岸上發進奉船溜青兵  
倚岸睥睨不敢動李洧以徐降地迫於寇常因感不  
支李泌言東南漕自淮達汴徐之埇橋為江淮津口  
今刺史甚少脫為納所併以梗餉路是失江淮也請

以張建封代之益與濠泗二州

梁載言十道志南北  
朝彭城為要害之地

隋鑿御河以來南控埇橋以扼梁泗歷古名鎮莫重  
於斯韓子中曰埇橋鎮在汴水上大和七年置宿州

後移  
符離

十一月辛丑宣武節度使劉玄佐等大破李納田悅兵

於徐州

以新紀  
通鑑修

解題曰宣武節度使見天寶十四載河南節度使解

題

唐德宗皇帝建中三年春正月馬燧等大敗田悅於洹

水悅奔魏州攻之弗克

以呂祖謙  
標目修

解題曰按新舊史紀傳實錄建中初黜陟使洪經綸



諭河北聞悅養士七萬輒下符罷其四萬歸田畝悅  
即奉命因大集將士激怒之曰而等籍軍中久仰  
廩養父母妻子今罷去何恃而生衆大哭悅乃悉出

家貲給之各令還部自此魏人感悅而怨朝廷

呂祖謙曰

德宗初立李正己獻錢三十萬緡上欲受之則恐受  
欺却之則恐無辭崔祐甫請遣使勞其將士因以所  
獻錢賜之使將士人人戴國恩諸道聞之知朝廷不  
重財貨上從之而正己慙服田悅強梗未如正己洪  
經綸罷其四萬人而人皆怨朝廷處之有其道則朝  
廷之恩施於淄青御之無其術則朝廷之怨結於河  
北  
居無何傳言帝且表封李勉城汴州而李正己懼

率兵萬人屯曹州乃遣人說悅同叛悅因與梁崇義等連和以王侑扈粵許士則為腹心邢曹俊孟希祐李長春符琇康愔為爪牙二年鎮州李惟岳淄青李納求襲節度不許悅為請不答遂合謀同叛時朝廷遣張孝忠等討恒州悅將孟希祐等率眾五千援之又遣康愔率眾八千圍邢州楊朝光以兵五千壁盧

曠

在邯鄲西北

絕昭義餉道悅自將兵數萬繼進又使朝

光攻臨洺

元和郡縣志縣屬洺州本漢易陽縣地

守將張仵仵固守食

且盡賞賜不足乃飾愛女示衆曰庫廩竭矣願以此

女代賞士感泣請死戰大破悅軍

沈既濟建中實錄五月癸未衆軍大

破田悅於臨洛初悅攻臨洛甚急詔發禁兵及太原之師救之不解守將張仵大破之德宗實錄續唐曆皆本於此新史藩鎮傳亦云仵飾愛女願以代賞士感泣請死戰大破悅軍詔河東河陽昭義救仵通鑑考異但見癸未之捷有衆軍字遂據谷況燕南記以爲七月燧與抱真自潞府東下臨洛大破悅但既濟當時史官止書仵破賊而不及燧等不可以衆軍二字害意也况五月七月故自不同耶詔河東

馬燧昭義李抱真神策兵馬使李晟合軍救之曹俊

老而多智爲貝州刺史悅未得志召問計安出對曰

兵法十則攻今公以逆于順勢不敵也宜於郟口

實

音訓潞州四十里入邢洛潞

置兵萬人以遏西師則河北二十四

州惟公所命今攻臨洛糧竭卒老不見其可悅昵寧

希祐等皆訾短之故不聽其言燧出郟口未過險移

書抵悅示之好語悅謂燧畏之十一月

田悅傳作七月按權德輿

作燧行狀在十月以後

師次邯鄲

縣在磁州東北

悅使至皆斬之朝光

於臨洛南雙岡東列二柵以禦燧燧率軍營二壘間

其夜東柵走燧進營狗明山

實革音訓洛州永平縣有聰明山狗山鮑欽止

聰明山廟碑云永平縣臨洛鎮祠臨馬鳴灣

悅計曰朝光堅柵不下萬人

未可以數日下且殺傷必衆吾此必拔臨洛饗士以戰必勝術也即分恒州兵五千助朝光燧令大將李自良李奉國將騎兵合神策軍於雙岡禦之戒曰令悅得過者斬燧乃推火車焚其柵斬朝光禽其將盧子昌斬首五千級虜八百餘人居五日進軍臨洛悅悉軍戰燧以銳士當之凡百餘返士皆決死悅大敗斬首萬餘級虜九百人得穀三十萬斛悅夜遁邢州

圍亦解三年正月悅求救於青恒莫李惟岳李納合

兵萬三千人救悅裒散兵二萬壁洹水

水經洹水出上黨東過內黃縣北東

入白溝

淄青軍其東恒莫軍其西燧進屯鄴奏請益兵

詔河陽李芑以兵會次於漳悅遣將王光進以兵守

長橋築月城以為固燧乃於下流維車數百絕河戴

土囊遏水而後度悅知燧食乏深壁不戰燧令士齎

十日糧進營倉口

水經注水出林慮縣之倉石溪東北逕魯班門又北合白水溪又東

逕林慮縣石門谷又注於蒼溪水又北逕碯陽城北流注於漳水

與悅夾洹水而軍

造三橋踰洹日挑戰悅不出陰伏萬人將以掩燧燧  
令諸軍夜半食先鷄鳴時鳴鼓角而潛師並洹趨魏  
州令曰聞賊至則止為陣又令百騎吹鼓角於後持  
火待軍畢發匿其旁須悅衆渡即焚橋軍行十數  
里悅率溜青恒州步騎四萬餘人乘風縱火譟而前  
燧令士無動除榛莽廣百步為場募勇士五千人陣  
而待比悅至火止氣少衰乃縱兵擊之悅軍大敗時  
神策昭義河陽軍小却河東軍勝諸軍還鬪合擊又

大破之悅軍走橋橋已焚衆赴水死者不可計斬首  
二萬級虜三千人淄青兵幾殲抱真凡問曰糧少而  
深入何也燧曰糧少則速戰兵法善於致人今悅與  
淄青恒翼三軍為首尾欲不戰以老我師若分擊左  
右未可必破悅且來救是前後受敵也法有攻其必  
救故超魏以破之皆曰善悅收合殘卒奔魏大將李  
長春拒關不納以須官軍三帥頓兵於魏州南平邑  
浮圖遲留不進長春乃開門納之悅得入殺長春持



佩刀立軍門流涕曰悅藉伯父餘業與卿等同事今  
軍旅敗亡士民塗炭皆悅之罪也悅止緣老母不能  
自剄願公等斬悅首以取富貴無庸俱死乃自投於  
地衆憐皆抱持之曰今士馬之衆尚可一戰事脫不  
濟死生以之悅收淚曰諸公不以悅喪敗誓同存亡  
縱身先地下敢忘厚意乎乃自割一髻以為要誓將  
士亦斷髮約為兄弟乃率家財及府庫所有大行賜  
予而李再春及其子瑤以博州降悅從兄昂以洺州

降悅族昂等家悅自視兵械單耗懼不知所出復召曹俊與之謀曹俊為整軍完壘人心復堅餘見通鑑孫甫曰燧與抱真不合遷延不進致悅嬰城固守且誘朱滔等同叛蓋燧窺朝廷之事盧杞所為險薄專報怨讎必無公平之法以御於外故少所忌憚敢乘私忿而不顧國事也

丙寅朱滔張孝忠敗李惟岳兵於東鹿

以紀傳修

解題曰東鹿屬深州本漢鄆

苦么反縣地

辛未復權酒

以呂祖謙  
標目修

閏月乙未李惟岳將康日知以

趙州降甲辰惟岳伏誅深州降

以新紀  
通鑑修

解題曰李寶臣再世凡二十年

以朱滔為節度使

以新史  
列傳修

田悅博沼二州降

以新  
紀修

二月

戊午李惟岳將以定州降

以新舊  
紀修

甲子以張孝忠為易

定滄節度使成德兵馬使王武俊為恒冀都團練觀察

使康日知為深趙都團練觀察使

以舊紀  
通鑑修

解題曰易定滄節度使按方鎮表建中三年置義武

軍列傳定州置軍名義武以張孝忠為節度易定滄  
等州觀察使孝忠牙將程日華假滄州刺史參軍李  
宇曰此軍本號橫海能絕易定自為一州請為天子  
言之日華遣宇西帝大喜拜御史中丞滄州刺史復  
置橫海軍即以為使舊史地理志義武節度治定州  
領定易祁三州豈滄州分隸之後以祁州隸之歟  
夏四月戊午李納德棣二州降

以新紀修

朱滔反

以舊紀修

解題曰按新史列傳李惟岳拒命滔與張孝忠再破

之東鹿取深州賜德棣二州康日知為深趙團練使  
滔失深州不平又請恒定七州所賦供軍不許愈怨  
時馬燧圍田悅悅窮間滔與王武俊同叛滔姑子劉  
怱為涿州刺史以書諫曰司徒身節制太尉位宰相  
恩遇極矣今昌平有太尉卿司徒里不朽業也能以  
忠順自將則無不濟比忘上樂戰不顧成敗如安史  
者今復何有司徒圖之無貽後悔滔不從連兵救悅  
又懼張孝忠之襲使怱壁險而軍滔激其衆曰士蹠

血鬪既下堅城朝廷乃見奪奏賞不報君等疾趨破  
馬燧以取資糧可乎軍中不應三號之乃曰幽人死  
於南者骸撐不掩痛藏心髓奈何復欲暴骨中野乎  
司徒兄弟受國寵士各蒙官賞願安之不卹其他湏  
罷潛殺不可共亂者數十人日知發其情天子以悅  
未下重起兩寇即封湏通義郡王湏愈悖分兵與武  
俊屯趙州脅日知矯詔散其糧貯即引兵救悅次東  
鹿軍大譟曰天子令司徒北還而南救趙寧有詔耶

湍懼走匿傳舍裨將蔡雄好諭旨天子約取成德所得州縣賜有功者拔深州者燕也本鎮常苦無絲續與得深州以佐調率今顧不得又天子以帛賜有功士為馬燧掠去今引而南非自為也軍中悔謝復曰雖然司徒南行違詔書莫如還湍回次深州誅首變者二百人衆懼乃率兵南壁寧晉

趙州縣本  
慶陶縣地

與武俊

合事見通鑑范祖禹曰民皆有常性飢食渴飲以養其父母妻子而終其天年此人情之所欲也豈樂為

叛而沉其族哉然自古治少而亂多由上失其道而民不知所從故姦權得以詭其衆而用之也天寶以後幽薊為反逆之區中國視之無異戎狄朱滔劫其民如此不得已而後從之亦足見其本非好亂也人君苟行仁政使民親其長愛其上驅之為亂莫肯從也姦雄豈得而詐之哉

田承嗣幾禽矣李正己寶臣沮撓而承嗣得以遁誅田悅

勢屈矣朱滔王武俊改計而悅終於不可下同惡相求如市賈焉況當時區畫有未善者乎自是而河北亂根成矣



甲子借商括質

以呂祖謙  
標目修

解題曰按舊紀新志朱滔王武俊田悅合從而叛用  
益不給初太常博士韋都賓陳京請借富商錢大率  
每商留萬貫餘並入官不一二十大商則國用濟矣  
杜佑曰合諸道用兵月費度支錢一百餘萬貫若獲  
五百萬貫纔可支給數月乃以戶部侍郎趙贊判度  
支代佑行借錢令約罷兵乃償之京兆少尹韋禎長  
安令薛革搜督甚峻人不勝鞭笞乃至自縊家若被

盜然總京師豪人田宅奴婢之估裁得八十萬緡又  
取僦積納質錢及粟麥糶於市者四取其一長安為  
罷市市民相率遮邀宰相哭訴盧杞疾驅而過韋禎  
乃請錢不及萬緡粟麥不及五十斛者免而所獲纔  
二百萬緡按杜佑所對謂今月費百萬得五百萬纔  
足數月言其無益故罷祐而用賛新志乃云德宗以  
問度支杜佑以為軍費裁支數月幸得商錢五百萬  
緡可支半歲乃以趙賛判官度支代佑借錢令似失

其實

召朱泚還戊寅張鑑罷為鳳翔隴右節度使

以舊紀通鑑修

解題曰按崔延光奉天錄泚在京師私第絕朝謁日給酒肉而已內侍一人監之通鑑不取者疑無是事爾攷之趙元一奉天錄羣盜謀曰太尉朱泚久囚必生異志又泚偽赦亦云幽囚之中神器自至則非無是事也餘見通鑑

五月丙寅增兩稅及鹽榷錢乙巳杜佑罷以中書舍人

趙贊為戶部侍郎判度支

以舊紀修

六月辛巳王武俊反李

懷光馬燧等及田悅朱滔王武俊戰於愜山敗績秋七

月退保魏州

以新舊紀修

解題曰愜山在今大名府大名縣西漢成帝時王延

世於此塞決河故曰愜山

癸巳停借商錢

以新舊紀修

八月置汴東西水陸運兩稅鹽

鐵使

以舊紀通鑑修

辛酉以涇原留後姚令言為節度使

通鑑

九月癸巳稅商貨茶漆竹木冬十月丙辰吏部侍郎闕播

為中書侍郎同平章事

以新舊紀修

十一月朱滔田悅王武

俊李納稱王

以呂祖謙標目修


十二月丁丑李希烈自稱天下

兵馬都元帥建興王

通鑑

更造正元歷

以通鑑修



大事記續編卷六十

欽定四庫全書

史部

大事記續編卷六十二

詳校官檢討臣朱依昊

編修臣裴謙覆勘

總校官編修臣倉聖脉

校對官助教臣胡予襄

謄錄貢生臣王時發

欽定四庫全書

大事記續編卷六十一

明 王禕 撰

唐德宗皇帝建中四年春正月丁亥張鑑及吐蕃尚結

贊盟于清水

以新紀脩

唐寅李希烈陷汝州甲午遣太子太

師顏真卿宣慰之

以朱勳綱目脩

成戍以龍武大將軍哥舒曜

爲東都汝州節度使討李希烈二月丁卯復汝州

以新舊紀

解題曰東都汝州節度使見乾元二年東畿解題

三月戊寅江西節度使曹王皋敗李希烈兵取黃蘄二

州

以呂祖謙  
標目脩

夏四月命神策軍使白志貞召募禁兵

以呂

祖謙標  
目脩

庚申加李勉淮西招討使哥舒曜副之

以通鑑脩

甲

子京師地震

新紀

五月京師地震

新紀

六月庚戌稅屋

間架筭除陌錢

新紀

七月馬璘為魏博澶相節度招討

使

新紀

秋八月丁未李希烈寇襄城

新紀

乙卯李希烈

將以隨州降

以新紀脩

發涇原諸道兵救襄城冬十月丁未

涇原節度使姚令言作亂于京師戊申帝幸奉天令言



等奉朱泚為帥唐成段秀實欲誅泚不克死之

以新紀  
呂祖謙

脩標目

解題曰李希烈圍哥舒曜於襄城詔涇原節度使姚  
令言督鎮兵五千東救曜涇師多携子弟而來望獲  
厚賞及上路一無所賜次漘水詔京尹王珣犒軍唯  
糲食菜餒衆怒覆而不顧羣譟曰國家瓊林大盈寶  
貨如山尚何往乃盡甲反旗而鼓居人狼狽走竄亂  
兵呼勿走不奪汝商貨僦質矣不稅汝間架矣帝遣

使者開諭賊已陣通化門殺使者帝遣普王姜公輔  
載金綵慰撫賊薄丹鳳門詔集六軍無至者先是關  
東河北戰不利禁兵悉東衛士內空而神策軍使白  
志真藉市人隸兵聽其居肆私取庸自入故遽迫皆  
不至餘見通鑑范祖禹曰周公作立政以戒成王自  
左右常伯至于綴衣虎賁皆選忠良而勿以儉人晉  
悼公使弁糾御戎荀賓爲右使訓諸御知義羣騶知  
禮故可用也至漢宿衛者猶以忠力之臣與公卿之

子蓋古之遺法也夫以天子之尊必使諸侯與天下之賢者共扞衛之訓其徒旅使知禮義不如是不足以為國也後世苟簡人君多疑寧與小人而不與君子德宗所任尤非其人至於變起京邑而無一卒之衛其後懲前之失委之宦者而其禍愈深夫聚天下不義之人使執利器而環天子之居不以付之忠賢之臣是以知後世人主之不尊國家之無法也

胡寅曰自

大歷四年元載欲遠郭子儀自邠州徙馬璘鎮涇自河中徙子儀鎮邠四鎮北庭之兵刃羈旅勞弊重於

遷徙遂謀作亂賴段秀實處之有方衆不敢動遂遷  
於涇然非所欲也及楊炎紹述載志築原州城涇當  
為城具將士怒曰吾屬始居邠州甫營耕桑地著即  
來屯涇披荆榛立軍府今又投之塞外何罪至此於  
是劉文喜據州不受詔涇人之心可知矣撫之不至  
徒驅之以威力無怨之民猶不可使況役怨民而又

槁以糲食  
菜餼哉

辛亥以金吾衛大將軍渾瑊為行在都虞候

以呂祖謙  
標目脩

壬子鳳翔將李楚琳殺張鑑自為節度使降朱泚

以舊  
紀通

脩鑑朱泚自稱秦帝改元殺郡王王子王孫七十七人

以通

脩鑑癸丑李希烈陷襄城

新紀

乙卯殺右僕射崔寧

以新  
紀脩

解題曰庾準言劉晏與朱泚書怨望召兵拒命德宗不加按驗既命中使密殺之矣及王翊使康湛詐為崔寧遣朱泚書復匆匆殺之何以服人心乎事見通鑑

丁巳戶部尚書蕭復為吏部尚書吏部郎中劉從一為刑部侍郎翰林學士姜公輔為諫議大夫並同平章事

以新舊紀脩

朱泚圍奉天渾瑊與邠寧兵馬使韓游瓌拒之

龍武大將軍呂希倩將軍高重傑死之

以呂祖謙標目脩

十一

月靈武留後杜希全渭北節度使李建徽等入援敗于

漠谷

以新舊紀  
通鑑脩

解題曰靈武見開元九年朔方節度使解題按方鎮  
表渭北節度使上元置渭北郭坊節度使并領丹延  
永泰罷領丹延增領綏州丹延別置都團練使尋升  
為觀察使大歷六年更名渭北節度使領丹延慶觀  
察使十四年罷節度置都團練觀察使建中四年復  
置渭北節度使尋罷置都團練觀察防禦使貞元復

置渭北節度綏州隸銀夏元和析丹州置防禦使中  
和渭北號保大軍增領翟州延州置保塞軍光化更  
名寧塞後又更衛國軍罷丹州防禦隸衛國軍又按  
漠谷水出醴州永壽縣高要山幕谷過武功奉天

李懷光及神策河北行營節度使李晟入援

以通鑑脩

癸巳

李懷光敗朱泚于醴泉泚遁懷光將入朝盧杞沮之以

為中書令諸道兵馬副元帥

以新舊紀脩

解題曰醴泉縣屬醴州

翰林學士祠部員外郎陸贄上疏

以通鑑脩

解題曰蘇軾進贄奏議狀曰贄才本王佐學為帝師  
論深切於事情言不離於道德智如子房而文則過  
辯如賈誼而術不踈上以格君心之非下以迪天下  
之志但其不幸仕不遇時德宗以苛刻為能而贄諫  
之以忠厚德宗以猜忌為術而贄勸之以推誠德宗  
好用兵而贄以銷兵為先德宗吝用財而贄以散財  
為急至於用人聽言之法治邊取將之方罪已以收



人心改過以應天道去小人以除民患惜名器以待  
有功如此之流未易悉數可謂進苦口之藥石鍼害  
身之膏肓使德宗盡用其言則貞觀可得而復

十二月壬戌貶盧杞白志貞趙贊為遠州司馬

以舊紀修李

希烈陷汴鄭二州稱帝改元

以新舊紀列傳修

解題曰按通鑑考異謂希烈稱帝實錄舊希烈傳顏  
真卿傳皆無年月據奉天錄幸天記及實錄閏月庚  
午詔謂在興元元年正月初今以新舊史列傳攷之

建中四年冬議改元加尊號陸贄奏僭帝者二豎則其時希烈已僭號矣不待至興元也況新舊史皆載希烈入汴州僭號改元豈不可攷

癸酉闕播罷

以通鑑修

以李楚琳為節度使

以通鑑修

六軍各置

統軍

以新舊官志修

解題曰按新史兵志會要龍朔二年置左右羽林軍開元二十七年析置左右龍武軍以左右萬騎營隸焉至德二載置左右神武軍總曰北衙六軍新史官

志左右羽林大將軍各一人正三品將軍各二人從  
三品左右龍武大將軍各一人正二品統軍各一人  
正三品將軍三人從三品左右神武大將軍各一人  
正二品統軍各一人正二品將軍三人從三品龍武  
神武軍皆視羽林者也大將軍猶正二品而羽林大  
將軍乃正三品又無統軍此史於大將軍各一人之

下缺正二品統軍各一人八字顯然

新史兵志及官志注以左右龍

武神武神策號六軍誤也舊史官志羽林龍武神武  
謂之北衙六軍會要貞元十四年始詔神策左右軍

置統軍品秩同六年則神策不在六軍之數明矣

唐德宗皇帝興元元年春正月癸酉朔下詔罪已大赦

改元去聖神文武號復李希烈田悅王武俊李納官爵

罷間架墊陌錢竹木茶漆稅人心大悅

以新舊紀修

朱泚更

號漢

以呂祖謙標目修

王武俊田悅李納去王號

以呂祖謙標目修

丙

戊吏部侍郎盧翰為兵部侍郎同中書門下平章事

以新

舊紀修

立瓊林大盈庫陸贄諫罷之

以呂祖謙標目修

戊子蕭復

出為山南等道宣慰安撫使

以新舊紀修

辛卯以王武俊為

恒冀深趙節度使

通鑑

庚子遣祕書監崔漢衡使吐蕃

通鑑

修鑑

二月戊申贈段秀實太尉諡忠烈

以舊紀修

李晟會李懷

光于陳濤斜既而移軍東渭橋

以通鑑修

解題曰秦漢唐架渭者凡三橋咸陽西十里者名便橋漢武帝造在咸陽二十二里者為中渭橋秦始皇造在萬年縣四十里者為東渭橋三橋之外以船渡者十一處

李懷光奪鄆坊京畿金商節度使李建徽神策兵馬使

陽惠元兵惠元死之甲子以懷光為太尉

以新舊紀修

加李晟

河中節度使同中書門下平章事丁卯帝幸梁州李懷

光以兵來追不及

以新舊紀修

解題曰凌準邠志二十六日懷光又使持書促韓游

瓌渾公獲而奏之且使其卒物色我軍游瓌不知不

得以聞又怒瑊之虞已也嫚罵于途上疑其變即日

幸梁州餘見通鑑

三月癸酉魏博兵馬使田緒殺田悅自稱留後

以新舊紀修甲

成李懷光殺兵馬使張名振石演芬歸河中

以新舊  
紀修

解題曰韓愈董晉行狀曰晉宣慰恒州還懷光反公  
造懷光言曰公之功天下無以與敵公之過未有聞  
於人晉至上所言公之情上寬明將無不赦宥焉乃  
能為朱泚臣乎彼為臣而背其君苟得志於公何有  
且公既為太尉矣彼雖寵公何以加此彼不能事君  
能以臣事公乎公能事彼而有不能事君乎彼知天  
下之怒朝夕戮死者也求其同罪而與之比公何所

利馬公之敵彼有餘力不如明告之絕而起兵襲取之清宮而迎天子庶人服而請罪有司雖有大過猶將掩焉如公則誰敢議語已懷光拜曰天賜公活懷光之命喜且泣公亦泣則又語其將卒如語懷光者將卒呼曰天賜公活吾三軍之命拜且泣公亦泣故懷光卒不與朱泚餘見通鑑

己亥渾瑊為朔方邠寧等道行營兵馬副元帥

以新紀修

解題曰按新史列傳陸贄上疏曰開元天寶時制西



北二蕃則朔方河西隴右三節度而已尚慮權分或  
詔兼領之中興未遑外討則僞四鎮隸安定以隴右  
附扶風所當二蕃則朔方涇原隴右河東四節度而  
已以關東戍卒屬之雖任未得人而措置之法存焉  
自賊泚亂以誘涇原懷光反以汧朔方則分朔方為  
三節度其鎮軍且四十皆特詔任之各有中人監軍  
咸得相抗既無軍法臨下莫能稟屬邊書告急方使  
關白可謂力分於將多矣餘見通鑑

夏四月壬寅以韓游環為邠寧節度使以舊紀修甲辰李晟

為京畿渭北商華兵馬副元帥以新舊紀修庚戌以田緒為

節度使以通鑑修吐蕃遣兵助渾瑊破朱泚尋引去以呂祖謙標目

修甲寅姜公輔罷新紀涇原兵馬使田希鑒殺其節度

使馮河清自稱留後以新紀修李抱真會王武俊於南宮呂祖

謙標目修

解題曰葉適曰朱泚既反朱滔連四叛圍貝州將絕

河津窺東都與泚合時李懷光據河中李希烈自汴

逼江漢李納田緒猖狂未已唐號令所及十纔二三  
然而天下卒不至土崩者李抱真結王武俊之力抱  
真所以能說回武俊者賴賈林之詞也存唐之功過  
於燭之武矣德宗初立運動天下事出萬全及其荒  
忽繆計自取遷辱而以存亡俯仰之勢寄於辯士之  
口為人主者可不鑒哉事見通鑑

五月丙子抱真武俊大敗朱滔於貝州滔還幽州

以呂祖謙

目修

乙未李晟移軍光泰門外戊戌大敗朱泚復京師六

月癸卯姚令言伏誅甲辰泚伏誅

以呂祖謙  
標目修

解題曰宋敏求長安志禁苑東二門南曰光化外郭城東二門北曰通化光泰門在通化門東北小城之

東門竇革音訓遂謂為苑城之東北門非也事見通

鑑

晟破泚露布鎮國軍節度使駱元光商州節度使尚可孤本軍副元帥都知兵馬使吳說都虞候邢

君牙京西行營都知兵馬使孟涉右廂兵馬使郭審全權文成神策行營商州節度都虞候彭光俊等陳兵於光泰門外盡銳於神鷹倉東賊將姚令言張雲等橫列堅陣旁連高岡衙前兵馬使王佖知衙兼刀斧將史萬頃先登進擊深入合攻乘其踣藉遂至於上蘭取彼鯨鯢直通於中禁段成諫賊之心脅既已

生擒沈厚運賊之羽毛終制死命令言等力扞王師  
退而復合又使決勝軍節度使唐良臣等領馬步為  
副

己酉以李晟為司徒中書令餘遷官有差田希鑒為節

度使甲寅渾瑊為侍中

以舊紀通鑑修

偽署官李忠臣等伏誅

以舊紀修

秋七月壬午帝至自梁州

以新紀修

丁亥李懷光害宣

慰使給事中孔巢父

以新紀修

乙未以杭州刺史李泌為散

騎常侍

以通鑑修

八月壬寅李希烈害顏真卿

以朱熹綱目修

甲辰

李楚琳罷為金吾大將軍

以通鑑修

解題曰按郭元一奉天錄朱泚攻奉天楚琳供應及泚守長安楚琳勢窮遂進貢奉天後懷光阻兵帝幸洋梁楚琳又與泚通耗帝聞深不平還京楚琳從駕至長安詔授將軍表請出家詔依請愁憤而卒餘見通鑑

癸卯李晟兼鳳翔隴右節度等使涇原四鎮北庭行營副元帥爵西平王

以紀傳  
通鑑修

馬燧為奉誠軍節度使渾瑊

為河中節度使並為管內行營副元帥討李懷光

以紀  
傳通

修鑑

解題曰奉誠軍見大歷元年京畿解題

冬十月辛丑李勉檢校司徒同平章事

以新紀通鑑修

戊辰宦

官竇文場王希遷為神策軍左右兵馬使

以舊紀修

解題曰柳芳唐歷李晟自山東來詔加神策行營節

度使晟鎮鳳翔始分神策為左右廂令內官竇文場

王希遷分知兩廂兵馬貞元二年始置神策軍大將

軍官員十二年又置護軍中尉官員餘見通鑑

實革音訓

太和門外之北從西第三乃左神策軍  
九仙門外之北從東第三乃右神策軍

閏月田希鑒伏誅

以通鑑修

李希烈將以滑州降

以新紀修

閏十

二月劉玄佐等大敗李希烈兵于陳州希烈走戊午復

汴州鄭州降

以呂祖謙標目修

乙丑蕭復罷

新紀

十二月庚辰

加鎮海節度使韓滉檢校左僕射同平章事江淮轉運

使

以通鑑修

解題曰鎮海節度見至德元年江南西道節度解題

是歲蝗大饑

以通鑑修



唐德宗皇帝貞元元年春正月丁酉朔改元

以新舊紀修

解題曰宋庠紀年通譜李泌云元嘉麟德寶應多以年號為厯陛下即位用貞元厯年號貞元而用貞元厯則相應矣皇朝之盛無若貞觀開元各取一字以明則效遂用之

癸丑贈顏真卿司徒謚文忠

以舊紀通鑑修

帝欲用吉州長史

盧杞為饒州刺史給事中袁高補闕陳京等諫壬戌以

杞為澧州別駕尋卒

以舊紀修

解題曰按新舊史列傳張獻恭檢校吏部尚書盧杞  
移饒州刺史袁高論其不可獻恭入對言高所奏至  
當帝不答復前曰高是陛下一良臣望特優異上遂  
不從杞世咨其不撓餘見通鑑

三月丁未李希烈陷鄧州

以新舊  
紀修

夏六月朱滔卒涿州

刺史劉怦自稱幽州盧龍留後

以呂祖謙  
標目修

辛卯劍南西

川節度使張延賞為中書侍郎同平章事金吾衛大將

軍韋臯為西川節度使

以新舊  
紀修

秋七月陝虢兵馬使達

奚抱暉殺節度使張勸辛丑以李泌為都防禦觀察水

陸運使平之

以舊紀修

解題曰陝號節度見大厯元年東畿解題

壬子以劉怱為節度使

以通鑑修

大旱

通鑑

八月甲戌李懷

光伏誅

新紀

馬燧為侍中

新紀

張延賞罷

新紀

九月劉

從一罷

以新紀修

劉怱請以其子濟權知幽州軍府事怱卒

以濟為節度使

以舊紀修

唐德宗皇帝貞元二年春正月壬寅盧翰罷吏部侍郎

劉滋為散騎常侍給事中崔造中書舍人齊映同平章

事

以新舊紀修

崔造奏罷水陸運使度支巡院江淮轉運

等諸道租賦委觀察使刺史

以呂祖謙標目修

解題曰胡寅曰財賦出於縣而總於州使觀察刺史任貢賦之責何患乎不辦而多張使名衆建官吏若非委以聚斂則安所用哉利聚于上怨興于下其弊不可勝言造所建明非特當時可行後世固可行也顧革弊之初事難遽集四相在內未必協謀韓滉力

行沮止故造不能獨濟耳事見通鑑

宰相分判六曹

以通鑑  
目錄修

夏四月丙寅李希烈伏誅甲申

以淮西衙將陳仙奇為節度使

以呂祖謙  
標目修

秋七月淮西

兵馬使吳少誠殺陳仙奇自為留後

以呂祖謙  
標目修

八月丙

戌吐蕃寇邠寧涇隴四州

以新紀  
通鑑修

九月吐蕃寇好畤李

晟遣兵敗之

以新紀  
通鑑修

解題曰好畤醴州縣

冬十一月甲午立淑妃王氏為皇后丁酉崩

以新紀修

辛丑

吐蕃陷鹽州

新紀

十二月丁巳以韓滉兼度支諸道鹽

鐵轉運等使

以呂祖謙  
標目修

吐蕃陷夏州

新紀

庚申崔造罷

以新  
紀修

是歲李勉罷

以新舊史  
列傳修

解題曰按新史紀表勉罷相皆失書惟列傳云居相  
二歲辭位以太子太師罷故書於此

唐德宗皇帝貞元三年春正月壬寅左僕射張延賞同

平章事壬子劉滋罷齊映貶夔州刺史兵部侍郎柳渾

同平章事

以新舊  
紀修

韋臯招南詔

以呂祖謙  
標目修

二月戊寅韓

混卒分浙江東西道為三以果州刺史白志貞為浙西

觀察使

以呂祖謙  
標目修

三月丁未以李晟為太尉中書令罷

其兵

以呂祖謙  
標目修

夏五月丁亥以渾瑊為吐蕃會盟使

以舊

紀修

閏月庚申省州縣官尋復之

以通鑑  
列傳修

辛未吐蕃却盟

于平涼

以呂祖謙  
標目修

六月馬燧為司徒罷其兵

以新舊  
紀修

李

泌為中書侍郎同平章事泌請罷宰相分判六曹從之

以新舊  
紀修

復鹽夏二州

以通鑑  
修

秋七月遣使勾檢兩稅

以呂祖謙

標目修

張延賞卒

以舊  
紀修

解題曰按舊史列傳延賞與柳渾同列延賞怙權矜已而嫉渾守正俾其所厚謂渾曰相公舊德但節言於廟堂則重位可久渾曰為我謝張公渾頭可斷舌不可禁也自是為其所擠餘見通鑑胡寅曰此林甫之所以待陳希烈盧杞之所以待關播者也而延賞亦以此施之柳渾何哉

李泌議復府兵請募戍卒屯田京西

以朱熹綱目修

解題曰李燾曰戍卒因屯田致富則安於其土不復



思歸舊制三年而代及期將滿下令有願留者即以  
所開田為永業家人願來者聽遣之據應募之數移  
報本道河朔諸帥得免更代之煩亦喜聞矣不過數  
番則戍卒皆土著乃悉以府兵之法理之變關中之  
疲弊為富强此易成也夫不復府兵則已如欲復之  
舍此策安出乎使張說少有智慮此策必行於開元  
矣開元可行而不行貞元將行而復廢此願治者所  
為太息也餘見通鑑及貞觀十年府兵解題

八月辛巳朔日有食之

新紀

己丑柳渾罷

新紀

帝欲廢

太子李泌救之

以呂祖謙  
標目修

解題曰德宗之答李泌謂此朕家事非他人所預而  
泌以為天子以四海為家則莫非家事可謂大臣之  
言矣狄仁傑之對武后曰王者以四海為家四海之  
內孰非臣妾何者不為陛下家事仁傑之言泌有取  
云爾乃若李勣之答高宗李林甫之語官人彼不學  
之人何足以語此餘見通鑑

戊申吐蕃寇隴州

以新紀通鑑修

九月李泌請罷貢獻歲供宮

中錢百萬緡

以呂祖謙標目修

回紇和親

以呂祖謙標目修

吐蕃陷涇

州連雲堡冬十月甲申寇豐義城乙酉寇長武城城故

原州而屯之

以新紀通鑑修

解題曰寧州彭陽縣本隋豐義城寰宇記長武城在

邠州宜祿縣西五十里郭子儀置兵備西戎舊史列

傳李懷光頻歲城長武城據原首臨涇水俯瞰通道

吐蕃不敢南侵

唐德宗皇帝貞元四年春正月增京官俸

以通鑑修

夏四月

乙未改殿前射生軍曰左右神威軍與左右羽林龍武

神武神策為十軍

以呂祖謙標目修

南詔內附

以通鑑修

五月吐蕃

寇涇邠寧慶廊五州

新紀

六月封子為王

以新紀修

徵處士

陽城為諫議大夫

以舊紀修

秋七月邠寧軍亂都虞候楊朝

晟敗之

新紀

九月罷勾檢兩稅

以呂祖謙標目修

冬十月戊子

回紇可汗來迎咸安公主請改號回鶻

以呂祖謙標目修吐蕃

寇西川韋臯遣兵破之

以通鑑修

冊回鶻長壽天親可汗

以通

修鑑

十一月以壽廬豪都團練使張建封為徐泗豪節度

使

以呂祖謙  
標目修

解題曰按地理志元和郡縣志濠初作豪元和三年

改

彭晁杜亭記碑陰載武德間州印豪字不從水  
元和二年刺史崔中始請依舊以濠水為州名

又

按方鎮表建中置徐海沂密都團練觀察使興元元年廢是年復置徐泗豪節度使貞元廢未幾置泗豪觀察使徐州領本州留後元和二年廢觀察使置武寧節度領徐泗濠四年增領宿州長慶宿隸淮南大

和復領宿咸通三年罷節度使置徐州團練防禦使  
隸兗海又置宿泗都團練觀察使四年罷防禦使濠  
州隸淮南五年置徐泗團練觀察處置使十年置徐  
泗節度使是年復置都團練防禦使增領濠宿十一  
年置徐泗觀察使尋號感化軍節度乾符二年罷領  
泗州天復二年罷節度

橫海節度使程日華卒其子懷直自為留後

以通鑑修是歲

京師地震二十

新紀

唐德宗皇帝貞元五年春正月甲辰朔日有食之

新紀

二月程懷直請分置景州廷授刺史帝嘉其忠以為橫

海留後

以新史  
傳修

解題曰按新史傳懷直使參軍李宇入朝願於東光  
景城二縣置景州且請刺史河朔刺史不廷授幾三  
十年帝嘉其忠以徐申為刺史昇橫海軍為節度使  
其後橫海節度使烏重胤請以支郡兵馬並令刺史  
領之蓋本於懷直也餘見元和十四年支郡兵馬解

題

庚子大理卿董晉為門下侍郎御史大夫竇參為中書

侍郎同平章事

以新舊紀修

三月甲辰李泌薨

新紀

解題曰宋祁贊曰泌之為人也異哉其謀事近忠其輕去近高其自全近智卒而建上宰近立功名者肅宗時泌於獻納為不少又佐代宗收兩京猶不見錄寧二主不以宰相器之耶德宗晚好鬼神事乃獲用蓋以怪自置而為之助也則知當時議者切而不與



有為而然至勸帝先事范陽明太子無罪亦不可誣也

冬十月韋臯遣將破吐蕃克雋州

以通鑑修

十二月回鶻天

親可汗死戊寅冊其子為忠貞可汗尋為其弟所弑

以朱

嘉綱

目修

是歲以吳少誠為節度使

新舊列傳修

解題曰通鑑不書闕也

唐德宗皇帝貞元六年春迎佛骨于岐山

以通鑑修

夏吐蕃

陷北庭安西亦陷

以呂祖謙標目修

秋八月辛丑殺太子妃蕭

氏

以新紀修

解題曰按新史列傳部國公主貞元四年以厭蠱廢  
六年薨子位坐為蠱祝囚端州佩儒僖因房州前生  
子駙馬都尉裴液囚錦州主女為皇太子妃帝畏妃  
怨望將殺之未發會主薨太子屬疾乃殺妃以厭災  
是歲程懷直為節度使

以新史列傳修

唐德宗皇帝貞元七年春二月遣使冊回鶻奉誠可汗

以通鑑修

三月癸未張孝忠卒秋七月戊寅以其子定州刺

史茂昭為義武留後

以通鑑修

八月丙午陸贄解翰林學士

為兵部侍郎

以通鑑修

解題曰胡寅曰贄自李泌相後不復諫說豈帝訪問之遺歟抑推尊長源而然也以吾度之正謂長源周旋二帝間已為後進嫌有爭材競能之意耳或問贄何如人也曰孟子所謂有安社稷臣以安社稷為悅者歟不然道合則留不合則去乃天民矣事見通鑑唐德宗皇帝貞元八年春三月庚午劉玄佐卒夏四月

其子士寧自稱宣武留後尋以為節度使

以新紀通鑑修

殺諫

議大夫知制誥吳通玄乙未貶實參為彬州別駕左丞

趙憬兵部侍郎陸贄為中書侍郎同平章事

以新舊紀修

士

子吐蕃寇靈州

通鑑

五月陸贄請臺省長官舉其屬從

之尋復止

以呂祖謙標目修

癸酉李納卒其子師古自稱平盧

留後尋以為節度使

以新紀通鑑修

六月吐蕃寇涇州

舊紀

秋

七月己未司農少卿裴延齡判度支

以呂祖謙標目修

大水

以通

鑑修

冬十一月壬子朔日有食之

以新舊紀修

十二月神策大

將軍柏良器左遷右領軍軍政始專掌於宦官

以呂祖謙標目修

唐德宗皇帝貞元九年春正月癸卯初稅茶

以呂祖謙標目修

二月甲寅以張茂昭為節度使

以通鑑修

辛酉城鹽州

以通鑑修

解題曰按後梁實錄乾化元年降鹽州刺史高行存

其下云鹽州與吐蕃党項犬牙相接又烏池鹽鹺之

利戎羌意未嘗息唐建中初為吐蕃所陷由是銀夏

寧延洎於靈武歲以河南河東山南淮南青徐江浙

等道兵士不啻四萬分護其地謂之防秋貞元九年

命渾瑊總兵三萬復取其地邊患遂止事見通鑑

三月貶竇參驪州司馬尋殺之

以呂祖謙標目修

解題曰按陸贄奏議希顏宣進止竇參結朕左右兼有陰謀皆有憑據事不曖昧只緣連及處多不可推按卿等宜更商量若恐事體不穩即且流貶向絕遠惡處竇申竇榮李則之首未同惡宜便商量處置其竇參等所有朋黨親密並不可容在側近可便條流盡發遣向僻遠無兵馬處蓋唐朋黨之名始於太宗

疑魏徵阿黨繼以肅宗疑李峴德宗指竇參逆憲宗而牢不可解矣餘見通鑑

夏五月甲辰義成節度使賈耽為右僕射右丞盧邁同

平章事

以新舊紀修

解題曰義成節度使見乾元二年汴滑節度使解題

韋臯平吐蕃五十餘堡

以舊紀修

丙午董晉罷

新紀

裴延齡

為戶部侍郎判度支

以舊紀修

秋七月令宰相旬更秉筆未

幾日易之

以呂祖謙標目修

八月庚戌西平忠武王李晟薨

以通

鑑修

解題曰蘓軾贊曰以吾觀西平王提孤軍自北方赴  
行在走懷光斬朱泚如反掌及其後帥鳳翔與隴右  
瞰河湟兵益振謀既臧終不能取尋常墮賊計困平  
涼卒罷兵仆三將誰之咎在廟堂斬馬劍誅延賞為  
菹醢不足償覽遺像涕泗滂

冬十二月乙卯宣武軍將李萬榮逐劉士寧自稱留後

以新舊  
紀修

陸贄奏均節財賦六條

以通  
鑑修



解題曰范祖禹曰穀帛出於民而官不可為也錢出於官而民不可為也取其所有而予其所無則上下皆濟矣是故以穀帛為賦則民不得不耕織以奉公上此駟之於農桑也如不取其所有而取其所無則民之所有棄之必賤矣官之所無收之必貴矣穀帛輕則民為之者少錢重則物甚賤者多是以利壅於上民困於下至於田野荒杼軸空由取其所無故也然則以錢為賦官豈得其利乎為法者必使民去末

而反本則富國之道也事見通鑑

唐德宗皇帝貞元十年春正月壬辰南詔大破吐蕃來  
獻捷夏六月南詔王遣其弟入貢遣使賜之印

以新舊  
紀修

解題曰胡寅曰李泌力勸德宗與回紇和親而詔雲  
南大食天竺以分吐蕃之勢於是韋臯遣使要結累  
年而異牟尋棄吐蕃向中國此後吐蕃為邊患益稀  
豈非其國盛衰自有數耶然後數十年唐之禍不起  
於吐蕃而起於雲南以此知中國當自治以為強而

外夷之離合非所計也事見通鑑

秋八月西原蠻陷欽橫潯貴四州

以新舊紀修

冬十一月壬

申陸贄上書論裴延齡罪十二月壬戌罷

以通鑑修

唐德宗皇帝貞元十一年夏四月壬戌貶太子賓客陸贄為忠州別駕帝意不測陽城率諫官上疏論裴延齡

明贄無罪

以通鑑修

解題曰事見通鑑蘓轍曰贄始事德宗從之出奔而與之反國彌縫其闕而濟其危亡比其老也功業定

矣而卒斃於裴延齡之手何也贄以有常之德而事  
德宗之無常以巫醫之明而治無常之疾是以承其  
羞耳帝初好名而貪功河朔三畔父子相襲帝將以  
力勝之田悅驚疑而起朱滔王武俊和之帝使馬燧  
李抱真往迎其鋒復使李晟出禁衛之兵李懷光舉  
朔方之衆華於魏郊而李希烈乘間而起兵連禍結  
常賦所不能贍於是為之抽貫筭間假貸商賈關中  
已亂而帝不知也贄曰今為禍亂之首者獨四五凶

人而已其間必有旁遭詿誤內蓄危疑而計不能止者而況於脅從之黨乎陛下若能招懷以禮悔禍以誠使來者必安安者必久人知獲免則誰為惡者帝忽其言而不用而涇原之變起倉皇避寇半年而歸帝亦老而厭兵矣於是一切以姑息養蕃鎮凡節度使將佐之得士心者皆就命留後雖以篡奪請命者亦如之宣武劉士寧以暴慢失衆贄曰萬榮構亂之日諸郡守將固非其同謀也一城士衆亦未必皆其

黨也方成敗逆順之勢交戰於中其肯捐軀與之同  
惡乎今若選命賢將降詔軍中獎萬榮撫定之功別  
加寵任褒將士輯睦之義例賜恩賞使衆知保安則  
誰肯復助其亂萬榮縱欲跋扈勢亦無所至矣帝方  
苟安無事竟亦不許由此觀之帝持無常之心故前  
勇而後怯勢持有常之心故勇怯各得其當君臣之  
間異同至此雖欲上下相保不可得矣

回鶻奉誠可汗死其相骨咄祿立五月冊為懷信可汗

以朱熹綱目修

以李萬榮為節度使

以通鑑修

秋七月丙寅陽城左

遷國子司業

以列傳通鑑修

八月辛亥北平莊武王馬燧薨

以舊

紀通鑑修

解題曰宋祁贊曰唐史臣稱燧沈雄忠力常先計後戰每戰親令於衆無不感慨用命鬪必決死未嘗折北名蓋一時然力能得田悅而不取虜不可信而決信之故河北三盜卒不臣平涼大臣奔辱燧之罪也

唐德宗皇帝貞元十二年春正月加方鎮中書令同平

章事及檢校官

以通鑑舊紀修

三月癸巳朔以閑廐宮苑使李

齊運為禮部尚書裴延齡為戶部尚書每宰相對罷則

齊運次進

以呂祖謙標目修

解題曰按新史列傳德宗臨御久益不假備宰相自  
竇參陸贄斥罷中書取充位白居易張平叔戶部侍  
郎判度支制坐而決事丞相以下不過四五而主計  
之臣在焉蘓軾曰以此知唐制主計蓋坐而論事也  
不知四五者悉何人事見通鑑



夏四月庚午田緒卒其子魏博節度副大使季安自稱

留後

以新紀修

六月乙未以監句當左右神策竇文場霍仙

鳴為護軍中尉

以呂祖謙標目修

解題曰按舊史宦官傳李輔國從幸靈武程元振翼衛代宗怙寵邀君至守三公封王爵干預國政亦未全握兵權代宗時子儀北伐親王東討遂特立觀軍容宣尉使令魚朝恩為之然自有統帥亦監領而已德宗以禁軍委白志貞志貞多納豪門賂補為軍士

取其傭直身無在軍者涇師之亂帝詔禁軍無至者  
唯竇文瑒霍仙鳴諸宦者及親王左右從行志貞貶  
官左右禁旅悉委文瑒主之從幸山南兩軍漸集還  
京頗忌宿將凡握兵多者悉罷之文瑒仙鳴分統焉  
貞元十二年以文瑒仙鳴為左右神策護軍中尉內  
謁者監焦希望右神威軍使張尚進為左右神策中  
護軍此二句畧彙括則本文自是神策親軍之權全歸於宦者  
矣竇霍之權震於天下藩鎮節將多出禁軍臺省清

要時出其門餘見通鑑

葉夢得曰神策兵始奪魚朝恩德宗親見其患至用崔祐

甫謀以白志貞代王駕鶴僅能得之而復以俾實文瑒蓋朝恩之盛由肅代德宗未必得其心而文瑒積

累之漸皆自我始故昵其私而弗悟也

李萬榮子兵馬使迺自稱宣武兵馬使秋七月乙未以

東都留守董晉為節度使丙申萬榮卒迺伏誅

以新紀通鑑修

八月己未朔日有食之

以通鑑目錄修

以田季安為節度使

以通

鑑修趙憬薨

以新紀修

九月丙午裴延齡卒

以通鑑修

冬十月甲戌

諫議大夫崔損給事中趙崇儒同平章事

以新舊紀修

十一

月乙未以右補闕韋渠牟為諫議大夫

以通鑑修

唐德宗皇帝貞元十三年秋九月乙丑盧邁罷

新紀冬

十二月張建封入朝諫宮市弗聽

以呂祖謙標目修

唐德宗皇帝貞元十四年夏閏五月辛酉長武城軍亂

逐其使韓全義

新紀

秋七月壬申趙崇儒罷工部侍郎

鄭餘慶為中書侍郎同平章事

以新紀修

八月初置神策統

軍

以通鑑修

九月吳少誠侵壽州

以通鑑修

己巳貶陽城為刺史

以朱熹綱目修

唐德宗皇帝貞元十五年春二月丁丑宣武軍節度使

董晉薨乙酉宣武軍亂殺其行軍司馬陸長源等宋州

刺史劉全諒自稱留後

以新紀通鑑修

以常州刺史李錡為浙

西觀察使諸道鹽鐵轉運使

以呂祖謙標目修

己丑以劉全諒

為節度使

以通鑑修

三月甲寅吳少誠陷唐州

以新紀修

秋八月

乙未吳少誠寇陳許二州

以呂祖謙標目修

九月庚戌劉全諒

卒兵馬使韓弘自稱宣武留後尋以為節度使

以新紀修

丙

辰詔發十六道兵討吳少誠

以通鑑修

冬十二月辛未咸寧

忠武王渾瑊薨

以舊紀修

乙未諸道兵潰於小澱河

新紀

解題曰小澱河在潁昌府鄆城縣北

唐德宗皇帝貞元十六年春二月乙酉以夏綏節度使

韓全義為蔡州招討處置使

新紀

解題曰夏綏節度使見開元八年朔方節度使解題

夏五月庚戌韓全義及吳少誠將戰于廣利原敗績

以新

紀修

解題曰寶華音訓廣利城在澱水縣之南

壬子張建封卒其子惜自稱徐泗豪留後

以新舊紀修

秋七

月吳少誠敗韓全義於五樓

以通鑑修

解題曰竇革音訓今商水東有五樓村

九月庚戌鄭餘慶貶郴州司馬庚申太常卿齊抗為中書侍

郎同平章事

新紀

冬十月戊子赦吳少誠

以呂祖謙標目修

唐德宗皇帝貞元十七年春二月大雨雹已亥霜戊申

大雨雪震雹庚戌大雪雨雹夏五月壬戌朔日有食之

以新舊紀修

乙酉朔方邠寧慶節度使楊朝晟卒六月兵馬

使高固自稱知軍事

以新紀通鑑修

浙西崔善貞論宮市進奉

鹽鐵之弊送李錡殺之

以通鑑修

解題曰范祖禹曰德宗本惡崔善貞直言故使李錡甘心善貞之死非特以告錡也鉗天下之口而長姦臣之威實德宗殺之是朝廷殺諫者非錡殺告者也

事見通鑑

崔偃曰高祖信皇甫無逸斬皇甫希仁太宗信房喬斬上變者天下是之明皇縛告

者付安祿山德宗械崔善貞付李錡則禍亂相仍顧不異哉

已酉以高固為節度使

以通鑑修

丁巳王武俊卒其子成德



節度副大使士貞自稱留後秋七月辛巳以為節度使

以新紀  
通鑑修

己丑吐蕃陷麟州

通鑑

九月韋臯大破吐蕃冬

十月庚子加臯中書令爵南康王

以通  
鑑修

唐德宗皇帝貞元十八年秋七月乙亥罷正衙奏事

新紀

唐德宗皇帝貞元十九年春三月壬子淮南節度使杜

佑檢校司空同平章事

以新  
紀修

丁卯遷獻懿二祖於德明

興聖廟

以朱熹  
綱目修

解題曰按新史禮樂志唐興以景帝為太祖而世近

在三昭三穆之內至禘祫乃虛東向之位而太祖列於昭穆代宗祔玄宗肅宗而遷獻祖懿祖於夾室於是太祖居第一室禘祫得東向而獻懿不合食建中二年太學博士陳京請獻懿立別廟至禘祫則享禮儀使顏真卿議曰太祖居百代不遷之尊而禘祫之時暫居昭穆屈已以奉祖宗乃引蔡謨議以獻祖居東向而懿祖太祖以下左右為昭穆貞元十七年太常裴郁議以非是請下百寮議工部郎中張薦議與

真卿同太子左庶子李憐等七人曰獻懿二祖宜藏  
夾室以合祭法遠廟為祧而壇墀有禱則祭無禱則  
止之義吏部郎中柳冕等十二人曰周禮有先公之  
祧遷主藏於后稷之廟又有先王之祧其遷主藏於  
文武之廟今懿獻猶周先公也請築別廟以居之司  
勳員外裴樞曰建石室於寢園以藏神主至禘祫之  
歲則祭之考功員外郎陳京同官尉仲子陵皆曰遷  
神主於德明興聖廟

李繪曰天寶元年詔追尊睿  
為德明皇帝涼武昭王為興聖

皇帝十年立廟欲遷獻懿祔此廟者陳  
京建中二年奏議本意至此復申其說

京兆少尹韋

武曰祫則獻祖東向禘則太祖東向十一年左司郎  
中陸淳曰議者多矣一曰復太祖之正位二曰並列  
昭穆而虛東向三曰祫則獻祖禘則太祖迭居東向  
而復正太祖之位為是然太祖復位則獻懿之主宜  
有所歸一曰藏諸夾室二曰置之別廟三曰遷於園  
寢四曰祔於興聖唯祔於興聖為是至十九年左僕  
射姚南仲等獻議五十七封付都省集議戶部尚書

王紹等五十五人請遷懿祖祔興聖廟議遂定由是  
太祖始復東向之位

乙亥司農卿李實兼京兆尹

以通鑑修

秋七月己未齊抗罷

新紀

自正月不雨至是月甲戌始雨

以新紀修

翰林待詔王伾

王叔文侍太子翰林學士韋執誼等與之交結

以呂祖謙標目修

解題曰范祖禹曰古之教太子者必選天下之賢使  
與之共處左右前後皆正人也其後嗣猶或不能成  
德而小人之依德宗不能選賢以輔導東宮而惟使

技藝博奕之人入侍豈不愚其子乎夫有千金之產者必欲其子守之有一命之爵者必欲其子繼之此常人之情也而況天下至大祖業至重可不求賢以傳其子而愚之乎詩曰其誰知之蓋亦勿思昔之人君疑賢者導其子之為非而不疑於小人因之不教其子者亦不思而已矣事見通鑑

冬閏十月崔損卒十二月太常卿高郢為中書侍郎吏部侍郎鄭珣瑜為門下侍郎同平章事

以新紀修貶監察御

史韓愈為陽山令

以通鑑修

解題曰按新舊史韓愈之貶皆以為論宮市事方崧卿云李翱所作行狀但云為幸臣所惡皇甫湜神道碑亦止云關中旱饑專政者惡之則非為宮市明矣公詩云或疑自上疏上疏豈其由是未必皆上疏之罪也又詩云任文未揃崖州熾雖得赦宥常愁猜是其為叔文等所排明甚不知新舊史何以不取

唐德宗皇帝貞元二十年夏六月昭義節度使李長榮

卒兵馬使盧從史自立秋八月己未以為節度使

以呂祖謙

標目  
修

大事記續編卷六十一